

明治十七年二月八日丙午發給

日本

從五位下岩垣
彦明校訂標記
孫大學音博士
松苗再校增補

立齋先生標題解註釋文十八史略卷之七

鄱陽 松塢 王逢 點校

宋

哲宗皇帝名煦。初為延安郡王。神宗大漸立為太子。先是
蔡確遣舍人邢恕邀高公繪欲使白太后言延安冲幼岐
嘉皆賢王也。公繪懼曰。公欲禍吾家。亟去。恕包藏禍心。反
謂太后與王珪表裏欲捨延安而立子顥。顥已及章惇蔡
確得無變且播其說於士大夫間矣。神宗崩太子即位甫
十歲。太皇太后同聽政。熙寧中太后已嘗流涕為神宗言
安石變法不便。既垂簾知天下厭苦日久。首罷東京戶馬
罷京東西路保馬。罷京東西物貨場。罷諸州鎮寨市易。抵

太皇太后 同聽政 東京 戶馬

甲舉保羅

○行音机

當罷汴河堤岸司地課放市易常平免役息錢罷在京免
行錢罷提舉保甲錢糧巡教等官罷方田等皆從中出大

○當去聲

臣不與唐百官志起居舍人允侍左右
太皇太后岐嘉哲宗二兄顯亦哲宗兄賴已之已音紀為
神之為去聲罷抵當神宗時聽人賒貸縣官財貨以甲宅
或金帛為抵當出息十分之二過期不輸息外每月更如
罰錢百分之二今罷之罷汴河堤岸司每歲所收地
課及所放市易常平免役科息錢免行錢先是京師百物
有行官司所須俱以責辦類有倍折神宗時呂嘉問奏展
行願出免行錢詔從之至是罷後
中出自太后出不與之與音豫 ○王珪卒蔡確韓縝為

兒童走卒者知司馬

補續綱目注走卒伍伯之類也云云即今行鞭狀也

左右僕射章惇知樞密院司馬光門下侍郎光居洛十五
年兒童走卒皆知司馬君實神宗升遐赴闕入臨衛士望
見以手加額曰司馬相公也爭擁馬首呼曰公毋歸洛留
相天子法百姓所在數千人聚觀之光懼歸洛已而召為

周顥以名節自稱

惇辰倫切音純

執政臨去聲而哭也呼去聲 ○河南程顥以是歲卒顥字伯淳弟頤

字正叔兄弟皆從濂溪周惇頤受學惇頤字茂叔博學力行
聞道早遇事剛果有古人風為政嚴恕務盡理以名節
自礪雅有高趣牕前草不除曰與自家意思一般黃庭堅
稱其人品甚高曾中灑洛如光風霽月有太極圖通書行
于世顥頤初從之首令尋仲尼顏子所樂何事學成各以
斯文為己任顥嘗言一命以上苟存心於愛物於人必有
所濟熙寧中以新法不合去國神宗嘗使推擇人才所薦
數十人以表叔張載弟頤為首其死也文彥博承衆論表
其墓曰明道先生而弟頤為之序曰周公沒聖人之道不
行孟子死聖人之學不傳道不行百世無善治學不傳千

補松苗曰。聖人之學。即五倫之道也。彼與我。世相傳。一日無此道。則國家亂矣。而稱孟軻之後。千四百年。而程頤獨得之。可怪也。孟軻之後。無善治之世乎。過譽甚矣。而程朱之時。非趙宋善治之世也。
補賢賢不明貌

精於物數

載無真儒。無善治。士猶得明夫善治之道。以淑諸人。以傳諸後。無真儒。天下賢賢焉。莫知所之。人欲肆而天理滅矣。先生生于千四百年之後。得不傳之學於遺經。辨異端。息邪說。使聖人之道復明於世。蓋自孟子之後。一人而已。願嘗語人。欲知吾之道者。觀此序可矣。
是歲元豐八年。頤音姓。惇。頤。名。大。極。圖。形容無極。太極。陰陽五行之妙。通書四十一篇。一命。周禮。九命。士。一命。今第九品也。上。上聲。推。音吹。表叔。外親。曰表。夫。音扶。賢賢焉。無見。自。千四百年。語。去聲。張載字。子厚。初無所不學。後聞二程之言。乃盡棄其學。而講焉。有東銘。西銘。正蒙。理窟等書。行于世。人謂之橫渠先生。
無所不學。孫。吳。佛。老。之。類。二。程。明。道。伊。川。共。城。邵。雍。字。堯。夫。居。河。南。與。二。程。友。雍。之。學。玩。心。高。明。觀。天。地。變。化。陰。陽。消。長。以。達。萬。物。之。變。精。於。

物數推無不中。顯嘗在考試院。以其數推之。出謂雍曰。堯夫數。只是加一倍法。雍歎其聰明。雍欲以數學傳。二程。二程不受。邢恕欲受。雍不許。曰。徒長姦雄。雍有皇極經世書。十二卷。擊壤集歌。傳于世。人謂之康節先生。富弼司馬光等。皆深敬重之。
共。城。縣。屬。衛。州。共。音。恭。數。如。字。下。並。同。推。儀。兩。儀。生。甲。象。四。象。生。八。卦。之。類。推。之。無。窮。長。音。張。上。聲。皇。極。云。云。取。木。中。至。正。應。變。無。窮。之。義。觀。物。篇。一。卷。觀。物。外。篇。二。卷。
宋自歐陽脩。以古文倡天下。文章雖大變。而儒者義理之學。至周程出。然後大明。雍惇頤載。皆歿於神宗之世。至是顯又歿。惟頤在。學者宗之。為伊川先生。
倡。音。唱。導。引。先。也。
元祐元年。蔡確罷。確與章惇。邢恕。相交結。恕往來傳送語。言自謂有定策功。言官王覲。極言惇確及韓縝。張璪。朋邪。

聞一本作問

劉摯朱光庭蘇轍累數十疏論劾確先黜以司馬光為左僕射時王安石已病其弟以郵吏狀示之安石曰司馬十二作相矣悵然久之議者或謂三年無改父道新法姑稍損其甚者足矣光慨然爭之曰先帝之法善者雖百世不可變若安石惠卿等所建為天下害非先帝本意者當如救焚拯溺猶恐不及况太皇太后以母改子非子改父衆議乃定或謂光曰章惇呂惠卿輩他日有以父子之議聞於上則朋黨之禍作矣光起立拱手厲聲曰天若祚宋必無此事安石每聞朝廷變其法夷然不以為意及聞罷助役復差役愕然失聲曰亦罷至此乎良久曰此法終不可罷安石與先帝議之二年乃行無不曲盡言官即諫官累上聲先黜知陳

宋紀安石性不
好華腴自奉至
儉或衣垢不浣
面垢不洗世多
稱其賢蕪洵獨
曰是不近人情
者也作辨姦論
以刺之謂王衍
虛相合為一人
性復強愷遇事
無可否自信所
見執意不回然
議論奇高能以
辨博濟其說故
神宗排衆論而
力倚任之甚者
謂不變不足畏
祖宗不足法不
言不足恤以是
不克令名以終

州其弟安國十二光行爭如字極音蒸上聲亦丞也父子之議言新法乃先帝所立而子改之復音伏 ○章

惇韓縝罷 ○王安石卒安石在金陵常獨語福建子恨惠

卿也惠卿叛安石惟章惇終始不叛安石又常曰新法之

行始終以為可行者曾子宣也始終以為不可者司馬君

實也語如字福建子登 ○呂公著右僕射以呂公著為右僕射下皆倣此

文彥博軍國重事程頤崇政殿說書蘇軾翰林學士竄貶

呂惠卿鄧綰等 ○司馬光為相八閱月而薨太皇太后哭

之慟上亦感涕不已贈太師溫國公謚文正光在位遼人

夏人使來必問光起居而遼人勅其邊吏曰中國相司馬

矣切毋生事開邊隙及卒京師民罷市畫其像印鬻之畫

工有致富者及葬四方來會者哭之如哭其親戚光嘗語

又時光已得疾而青苗免役將官之法猶在兩成之議未決光歎曰四害未除吾死不瞑目矣折簡與呂公著曰光以身付醫以家事付愚子惟國事未有所託今屬公既而詔免朝謁許乘肩輿三日不入省光不敢當曰不見君不可以視事詔令子康扶入對遂入聞之勅其邊表云云

程頤

論賢

本文不言已下亦字當作一句看不知字

晁無咎曰吾無過人但平生所為未嘗不可對人言者耳劉安世問光一言可以終身行之者光曰其誠乎安世問其所從入曰自不妄語入使去聲語去聲○蘇軾程頤同在經筵軾喜諸講而頤以禮法自持軾每嘲侮之光之薨也百官方有慶禮事畢欲往吊頤不可曰子於是日哭則不歌或曰不言歌則不哭軾曰此枉死市叔孫通制此禮也頤怒二人遂成隙門人朱光庭賈易為言官力攻軾傳堯俞王巖叟呂陶等相繼論列堯俞巖叟右光庭陶右軾是時元豐大臣退於散地皆銜怨入骨陰伺間隙諸賢不悟方自分黨相攻有洛黨川黨朔黨洛黨以頤為領袖光庭易為羽翼川黨以軾為領袖陶等為羽翼朔黨以劉摯王巖叟

呂公著

呂大防

補孫公談圃子瞻曰明堂乃言禮不可謂歌則不哭也頤又諭司馬諸孤不得受弔子瞻戲曰頤可謂煥糟鄙俚於孫通聞者笑之

劉安世為領袖而羽翼尤眾未幾頤罷不復召久之軾亦罷後再入三入皆不久而出曰不之不音否枉死市戲言通當枉死於市門人受業生○呂公著為司空同平章軍國事呂大防范純仁左右僕射純仁仲淹子也公著尋薨○知漢陽軍吳處厚言蔡確謫安州日作夏中登車蓋亭詩譏訕臺諫論確不已安置新州呂大防劉摯范純仁王存等以為不宜令過嶺置死地純仁曰此路荆棘八十年矣奈何開之吾曹政恐不免耳爭之不得臺諫交章攻純仁黨確純仁遂罷劉摯為右僕射大防摯欲引用元豐黨人以平舊怨謂之調停蘇轍等力陳其不可摯罷蘇頌為右僕射頌罷純仁又代之漢陽軍屬湖廣安州屬湖北今德安府車

補網鑑矯作矯為是又倚作俯亦作優詩大雅矯矯虎臣注武貌

太皇太后

女中

蓋亭安州郡治譏訕其詩云矯矯名臣郝翫山忠言直節上元間釣臺蕪沒知何處歎息思君倚碧巒蓋唐高宗上元中以疾欲遜位武后翫山公郝處俊諫止之今思之乃譏臺諫之不能諫新州屬廣東過嶺入廣途經五嶺荆棘久無遠賤過嶺爭諍同交章交上章驕黨人神宗末年安石之黨調停和解兩全 ○元祐八年九月宣仁聖烈太皇太后崩臨崩對上謂大防純仁等曰老身沒後必多有調戲官家者宜勿聽之公等亦宜早退令官家別用一番人呼左右問曾賜出社飯否因曰公等各去喫一匙社飯明年社飯時思量老身也后聽政九年天下稱為女中堯舜不比外家以擁佑嗣君之故二子一女皆踈以至公御天下當世賢者畢集于朝君子之盛後世以慶曆元祐並稱焉承神宗厭兵之後與民休息而蕃鬼章為邊將擒獻釋不誅以招其部屬夏國自其主秉常卒

比一作私

親上始政

章惇

乾順立政亂主幼屢最邊失藩臣禮皆強臣為之以其君民非有罪不忍興師討伐詔諸路嚴兵自備而已呼去聲

○上始親政侍郎楊畏首叛呂大防自謂迹雖元祐心在

熙豐入對乞召章惇明年改元紹聖大防罷惇為右僕射

純仁罷惇之來也道遇陳瓘惇素聞其名獨請共載訪以

世務瓘曰請以所乘舟為喻偏重其可行乎或左或右其

偏一也惇默然良久曰司馬光姦邪所當先辦瓘曰相公

誤矣此猶欲平舟勢而移左以置右也果然將失天下之

望惇既至以漸盡復熙豐之法治元祐人之罪無辜日司

馬光呂公著王巖叟趙瞻韓維孫固范百祿胡宗愈司馬

宋史卷一百一十五 宋高宗

康等已死者皆追貶奪贈呂大防劉摯蘇轍梁燾范純仁
劉奉世韓維王覲韓川孫升呂陶范純禮趙君錫馬默顧
臨范純粹孔武仲王欽臣呂希哲呂希純呂希績姚勗吳
安詩王份張耒龜補之黃庭堅賈易程頤秦觀朱光庭孫
覺趙高李之純杜純李周蘓軾范祖禹劉安世鄭俠等皆
連貶竄文彥博久致仕降為太子太保罷節鉞尋薨皇后
孟氏太皇太后所選聘也在中宮五年而廢章惇蔡卞請
追廢太皇太后賴太后向氏太妃朱氏泣諫上悟惇卞堅
請施行上怒曰卿等不欲朕入英宗廟庭乎抵其奏於地
首叛呂畏與大防相及熙寧元豐安石之政將音漿
復音伏治平聲奪贈追論前罪貶其官爵奪其封贈勳音
免份音彬禾音雷去聲罷節鉞追回節旄斧鉞不得為節
度使孟氏廢棄見宋鑒紹聖三年向氏神宗后哲宗母向

劉氏

補按宋沿唐制
置貴淑德賢四
妃

音餉朱氏神宗如[上]悟宋
鑒云取博奏就燭焚之

○立賢妃劉氏為后右正言鄒

浩乞追停冊禮別選名族詔浩除名勒停羈管新州浩道

過其友田畫臨別出涕畫正色曰使君隱默官京師遇寒

疾不汗五日死矣豈獨嶺海之外能死人哉願無自沮士

所當為者未止此也冊禮冊立皇后之禮勒停○元符三

年上崩在位十五年改元者三壽三十五皇弟立是為徽

宗皇帝改元者三元
祐紹聖元符

徽宗皇帝名佶神宗第十一子也初封端王哲宗崩欽聖

憲肅皇太后向氏召宰執議立嗣后欲立端王章惇曰端

王浪子耳曾布身長望見端王已在簾下叱曰章惇聽太

后處分王出簾惇惶恐失措王即位請太后權同處分軍

太后
同處
分軍
國事

西宗已曾補

宋徽宗

范純仁等

補綱鑑注處區
慶也分分別也

國事范純仁等二十餘人並叙龔夫陳瓘鄒浩為臺諫
慶也分分別也
○韓忠彥為右僕射

忠彥琦子也○文彥博司馬光等三十三人追復官
文彥博王珪呂太防劉摯韓維梁燾司馬光呂公著孫固
傅堯愈趙瞻鄭雍王巖叟范祖禹趙彥若錢總顧臨趙鼎
錫李之純呂大忠鮮于澹孔武仲姚勗盛陶趙鼎孫覺杜
純孔文仲朱光庭李周張茂則高士英孫升亦皆章惇得
志時追與奪

太后

韓忠彥曾布左右僕射○貶邢恕○貶蔡京蔡卞下安石
韓忠彥曾布左右僕射○貶邢恕○貶蔡京蔡卞下安石
婿也先是臺諫龔夫陳瓘任伯雨等攻下罷其執政京為
翰林承旨瓘見其視日不瞬謂此人必大貴然以其區區
精神敢抗太陽他日得志必為天下患瓘語人曰射人先
射馬擒賊先擒王連疏攻之甚力京罷尋又以御史陳次

○射音石

上欲

正人

延禧

升等言與下俱貶
居東第一閣木帶令木廢置丞相密畫
內外密奏皆專受專對

意專欲紹述熙豐之政而曾布微有兩存熙豐元祐之意
人先云云杜甫前出塞詩詞引以喻去惡當去其魁

故建中靖國初嘗畧變章惇蔡卞所為既而布迎上旨正
建中靖國四字年号更音庚

出入意向則同祖安石而已
李氏曰言紹述熙豐之政

者蓋欲逐元祐之正人爾正人如任伯雨等時相曾布惇
之各各行去平人既去而邪人得以肆行其志紹聖佞人
邢恕章惇復得進用由王安石曲學偏見佞人
邪黨布滿朝廷而釀成靖康之禍者良有以也

基歿號道宗孫延禧立號天祚○女真阿骨打立女真本
按女真巨於遼
避興宗諱改女
真

名朱里真肅慎之遺種而渤海之別族也或曰本姓挾辰
宗徽宗

韓之後三國志所謂挾婁元魏所謂勿吉唐所謂黑水靺
宗徽宗

票已曾甫

宗徽宗

宗徽宗

竭者其地也有七十二部落本不相統自太中祥符以後
 絕不與中國通有生女真者其類猶繁其酋曰巖版有孫
 曰楊哥太師遂雄諸部或曰楊割之先新羅人完顏氏女
 真妻之以女生子二人長曰胡來傳三人而至楊割阿骨
 打其子也為人沉毅有大志阿音遏擊奴加切辰韓東夷有馬韓辰韓解韓元魏元氏北魏靺音未鞬音昌生女真大金志居混同江南者曰熟女真以其服屬契丹也居江之北者曰生女真亦臣於契丹新羅國在東夷妻音砌三人人當作世○建中靖國一年而改崇寧韓忠彥罷再追奪司馬光等官籍元祐黨人籍記姓名不彥博等語其子孫有官無官並不許列闕又詔宗室不得與其子孫及有服親為婚姻○曾布罷蔡京為相蔡京下執政再貶竄元祐人立姦黨碑京自崇寧為僕射歷大觀政和重和為大師嘗暫罷輒復入雖罷之日實執

籍元人

立姦黨碑

網目徽宗紀云蔡京自書姦黨為大碑頌于郡縣令監司長吏廳皆刻石有長安石工安民當鑄字辭曰民愚人固不知立碑之意但如司馬

相公者海內稱其正直今謂之姦邪民不忍刻也初差役之復為期五日同列病其太迫知開封府蔡京獨如約悉改畿縣願役無一違者詣政事堂自光光喜曰使人人奉法如君何不可行之有

窮極之功

京子推父

作萬歲山

國命其間趙抃之張商英作相嘗與京異然在位各不過數月或一年而罷如何執中鄭居中劉正夫余深雖在相位或久或淺居中亦與京異常相排正夫亦小異然於京之權寵無損也京子攸之婦出入官禁攸遂大用至父子權勢自相軋上寵攸而尊京子弟親戚滿朝皆其父子之黨京倡邪說以為當豐亨豫大之運專以奢侈勸上窮極土木之功廣京城修木內盛築內苑鑄九鼎鼎成以九州水土納鼎中及奉安北方寶鼎忽水漏于外作太晟樂作玉清神霄宮崇信道士林靈素策上為教主道君皇帝作延福宮作保和殿作萬歲山以朱劭領花石綱奇花異木怪石珍禽奇獸無遠不致民間一花一木之妙輒令上供

劭莫典切

西京雜記

宋徽宗崇寧元年

徽宗政和六年四月會道士于上清寶籙宮初帝以未得嗣子為念道士劉混康以法籙符水出入禁中建言京城西北隅地協堪輿倘形勢加以少高當有多男之祥始命為數夜岡阜已而後官生子漸多帝喜益信道教於是蔡攸倡為異聞以逢迎之遂竭國家之力以經營土木之工及聞林靈素之言復於景龍門作上清寶籙宮密連禁署

有一花費數千緡一石費數萬緡者二十年間山林高深麋鹿成群改名良嶽又為村居野店酒肆青帘於其間每歲冬至後即放燈縱令飲博謂之先賞元宵觀音貫重平聲過音戈排

擯也輒也倡音唱鑄九鼎宋鑿魏漢律議制鼎各以奠八方曰蒼東方曰形南方曰晶西方曰寶北方曰魁東南曰阜西南曰壯西北曰風東北曰凡八而中曰帝鼎皆以九州水去納之忽水漏此啓其後北方致亂之兆大晟樂學校祭先聖樂神霄宮初名玉清和陽宮即福寧殿誕聖之所後改名神霄宮道君皇帝策立徽宗為道家教主號道君皇帝花石綱舟舡相繼一運為一綱令去聲下同麋鹿鹿大曰麋少曰鹿良嶽改萬歲山為良嶽帝音廉酒旗飲博奕飲宴

○時星芒屢見地震河決怪異迭出率以為常京等誣奏甘露降祥雲現飛鶴蔽空竹生紫花芝草產于良嶽及諸州連理木雙花芙蓉芍藥牡丹至指臘月雷三月雪皆稱瑞表賀見音現連理木異本連幹雙花矣

○內侍

宮中山包平地環以佳木清流列諸館舍臺閣上下亭宇不可勝計皇城上作複道通寶籙宮以便齋醮之事又曰七年春二月幸上清寶籙宮命林靈素講道經自是每設木齋輒費錢數萬謂之千道會道籙院上章冊帝為教主道君皇帝

童貫梁師成用事師成專務應奉以蠱上心勢焰熏灼竊威福於中童貫專務開邊生事於外皆與蔡京父子相表裏○女真阿骨打以重和元年戊戌稱帝初遼主天祚刑賞僭濫荒於禽色歲索名鷹海東青於女真女真與其隣

補擊要惟金不變不壞金之色白完顏色尚白况所居按出虎

東北五國戰鬪乃能獲此禽以獻不勝其擾阿骨打遂叛攻陷混同江東之寧江州遼遣將討之而敗又起中京上京長春西遼四路兵並進獨涑流河一路深入大敗三路皆退女真悉虜遼東界熟女真鐵騎益衆天祚親征復大敗女真乘勝并渤海遼陽五十四州又度遼西降五州阿骨打遂建號改名昊國號大金明年破遼上京禽色禽獸女色海東

青五國之東接大海出名鷹來自海東者謂之海東青五國與女真相去千里五其國名也混同江水出咸平府長

水。上。綱。目。其。國。語。謂。金。為。按。出。虎。於。是。國。號。大。金。

白山下流未詳。寧江州在契丹東北隅。將海州刺史高仙。壽中京在遼陽。今二寧府。上京長春。西遼未詳。涑源。流未詳。涑音來。降音項平聲。○高麗求求。盤上遣二盤往還。奏實非求。

盤乃彼知中國將與女真圖契丹。謂苟存契丹。猶足為中國捍邊。女真狼虎不可交。且早為之備。上聞之不樂。將音去聲。捍音汗。○上嘗微行都市酒肆妓館。正字曹輔上言。編管。

郴州。上言之上。上聲。○童貫自崇寧間與王韶之子領兵復漳州。任責措置邊事。已而復鄆州。廓州。貫遂建節為宣撫。既得志於西邊。遂謂北邊亦可圖。政和初。乃自請秦使覘遼國。有燕人馬植者。陳滅燕之策。貫挾以歸。更姓名趙良嗣。復燕之議。遂起政和。未有漢人泛海來。具言女真攻遼事。重和春乃用蔡京童貫議。遣馬政由海道至阿骨打。

童貫任責措置邊事

所居阿芝川。涑流河。與議共攻遼。阿骨打遂遣使來宣和初。至京。詔京貫諭以夾攻取燕之意。差軍校呼慶送其使。由海道歸國。是歲王黼為相。力贊攻遼之策。及呼慶復與金使來時。阿骨打在上京。遂遣良嗣往約金國。取遼中京。本朝取燕京。歲幣如與遼之數。良嗣曰。燕京一帶。則併西京是也。金主亦許之。以札什良嗣期以女真兵自平地松林趨古北。南兵自白溝夾攻。良嗣歸馬政復與子擴持國書往訂彼此。兵不得過關。未幾金使復來。又以國書就付其使。歸國時。淮南京西河北江南相繼盜起。山東宋江方就招安。睦寇方臘連陷浙郡。中都為震。童貫甫平方臘而北事作矣。金人悉師度遼。趨中京。攻陷之。中京者故奚國。

綱目淮南盜宋江以三十六人橫行河朔轉掠淮南京東諸郡官軍莫敢嬰其鋒知亳州侯蒙

就招安睦寇方臘連陷浙郡中都為震童貫甫平方臘而北事作矣金人悉師度遼趨中京攻陷之中京者故奚國

遠主 奔入 中山

上書言江才必有過入者不若救之使討方臘以自贖帝命蒙知東平府未赴而卒又命張叔夜知海州江將至海州叔夜使間者規所向江逕趨海濱叔夜獲舟十餘載鹵獲叔夜募死士得千人設伏近城而輕兵距海誘之戰先匿壯卒海旁伺兵合舉火焚其舟賊聞之皆無鬪志伏兵乘之禽其副賊江乃降

也遂引兵至松亭關以與宋有各不過關之約止引兵由其西而過遼主先已引避或言金前鋒將至遼主震驚亟奔雲中入來山時燕王淳守燕蕭幹立淳為主宋童貫蔡攸帥師東路至白溝西路至范村蕭幹迎戰甚力宋師敗退耶律淳死宋師再舉遼涿州將郭藥師領常勝軍來降宋兵五十萬進駐盧溝河蕭幹拒之藥師間道襲燕幹還救死鬪藥師屢敗僅以身免遁還盧溝之師遂潰貫攸懼無功獲罪時金主在奉聖州乃遣客禱金主圖之金主分三道進兵遂入居庸關燕降於金金使來言燕京以金兵攻下其地與宋租稅當以輸金宋使趙良嗣往議之許歲幣如契丹舊數外更以百萬代租稅而併求雲中之地金

論遠 中山 國之 憂

有星 如月

人僅以燕京涿易檀順景薊六州來歸貫攸入燕燕之金帛子女職官民戶金人席卷而東所得空城而已貫攸歸以王安石知燕山府詹度郭藥師同知

王韶之子淳復音伏下同 遼州屬甘肅

遼州屬甘肅更姓之更音庚復燕議李氏曰啓燕雲之役者初則童貫得志於西邊遂謂北邊亦可圖繼而趙良嗣來歸獻以取燕之策徽宗知之何不喜夫豈知天下久安士不習戰白溝之敗為金人所笑遼亡而中國之憂始大矣漢人高藥師阿芝之阿烏何切遣使李善慶京貫蔡

京童貫呼慶呼姓慶名燕京即幽州西京即大同府古北關在順州北白溝在涿州南去安肅十五里亦名巨馬河宋與遼人分界慶源流未詳擴音廓綫如字陸州屬江蘇

今建德府為震之為去聲松亭關在景州北將至之將音

又號曰常勝軍靈溝河在北平其源出於代名小黃河自

奉聖州入宛平境至北平東流入海奉聖州屬北平即新

州遣客王瓌進兵粘罕趁南暗棧懶駙馬趁北平口阿

骨打趁居庸關居庸關在北平府昌平縣西屬河東燕

山府即 ○有星如月徐徐南行而落光照人物與月無異

西京已自自

保神

京師地

兩河

山河北

金主

○修神保觀其神都人素畏之傾城男女負土以獻名曰獻土又有飾作鬼使催納土者上亦微服觀之後數日旨禁其神俗謂曰二郎神使去聲旨禁有旨禁納○京師河東陝西地震宮中殿門搖動且有聲蘭州草木沒入山下麥苗乃在山上○金國無城郭宮室用契丹舊禮如結絲山作倡樂鬪雞擊鞠之戲與中國同但於衆樂後飾舞女數人兩手持鏡類電母其國茫然皆芟舍以居至是方營大屋數千間盡做中國所為結絲山結絲為山倡樂倡優之樂鬪雞擊鞠通謂之毬子鞠窮○兩京河浙路災異疊見都城有賣青菓男子孕而誕子又有豐樂樓酒保朱氏其妻年四十忽生鬚鬢長六七寸宛一男子詔度為女道士兩京京東京西見音現鬚

補後漢書注稱男子者無官爵也

補松苗曰女化男男化女等事詳載本草綱目人偶部凡是等奇事所謂魔魅者時出衰亂之世愚弄小民者耳而信其事筆之于書記者之愚可憫也凡好志怪者皆非正人也我國史略中亦為舊史所誤載怪事者今悔之欲再刻時盡刪之也

音貫鬚在口上曰鬚○河北山東盜起連歲凶荒民食榆皮野菜不給至相食饑民並起為盜有張仙者衆十萬張迪衆五萬高柁山衆三十萬自餘二三萬者不可勝計○金主稱帝六年而殂號太祖大聖武元皇帝弟吳乞買立改名晟燕山之地易州西北乃金坡關昌平之西乃居庸關順州之北乃古北關景州之北乃松亭關平州之東乃隄關隄關之東乃金人來路凡此數關天限蕃漢得之則燕境可保然關內之地平灤營三州自後唐為契丹阿保機所陷以營灤隸平為平州路得燕而不得平州則關內之地蕃漢雜處而燕為難保矣遼張毅守平州金已遣人招毅毅曰契丹凡八路今特平州存耳敢有異志既而乃以平州南

西京已曾有一人見異志既而乃以平州南

聲幹烏活切。腕，个

附宋邊納之趙良嗣力爭以為必招金兵金人謀知即襲
 平州陷之得宋詔札自是歸曲累檄取穀不得已命王安
 中縊之而函送其首未幾金太子幹離不已由平州路將
 入燕矣宋方且遣人密誘天祚來降以童貫宣撫兩河燕
 山路將迎天祚金人方退天祚入陰來山不可得至是領
 衆南出遂為金人所敗就擒契丹自阿保機至天祚九世
 而亡時宣和七年乙巳歲也是冬金幹離不粘罕分道而
 南幹離不陷燕山郭藥師降之金兵長驅而進郭藥師為
 前驅童貫自太原逃歸粘罕圍太原太原帥張孝純歎曰
 平時童太師作多少威重乃畏怯如此身為大臣不能死
 難何面目見天下士孝純以冀景守關知朔寧府孫翊來

金人

不陷燕山粘罕圍太原

白時建甲出奔之策

救兵不滿二千與金人戰于城下張孝純曰賊已在近不
 敢開門觀察可盡忠報國翊曰但恨兵少耳乃復引戰金
 人大沮再益兵力不能敵翊死焉無一騎肯降時王黼先
 一年已罷而白時中李邦彥並相皆鄙夫也金兵來時中
 但建出奔之策而已上內禪在位二十六年改元者六曰
 建中靖國曰崇寧太觀政和重和宣和太子立是為欽宗
 皇帝冒平縣屬北平音俞灤音灤屬河東為契為金為
前之為並去聲處音杵鼓音角八路名号未詳爭諍
同詔札得宋朝所賜手詔歸曲責宋理曲累上聲幾如字
離不之得音亭將入之將音樂下並同兩河河東河北敗
音拜就擒案金削封天祚為王送長白山築城居之九世
盜阿保機自沼均王貞明年始建元至是凡二百二十
年死難之難去聲朔寧府屬山西即朔州觀察唐乾元初
改採訪使曰觀察處置使即今提刑按察使也孫翊時
此職先音霰內禪傳位太子
子建中即位二十一年改元

陳東
上書
六賊

上皇
李綱
天應
李綱
守策
除元
籍
不師
京師

欽宗皇帝名桓在東宮無失德蔡京童貫輩咸憚之欲動
搖不可至是即位太學生陳東等伏闕上書乞誅蔡京童
貫王黼梁師成李彥朱勔六賊以謝天下彥以根括民田
破蕩百姓結怨於河北京東西三路者也勔以花石綱所
在騷動結怨於東南者也靖康元年首竄黼勔彥尋皆殺
之上聲枯田宋鑿政和六年案民契券而以樂尺打量其贏則拘公官而創立租課謂之公田錢○有
狐升御榻而坐者詔毀狐王廟狐王出處未詳此一節案宋鑿事在徽宗宣和十年
秋讀者○上皇奔應天府屬河東即宋州○以李綱為行營使定
城守策○除元祐黨籍追贈范仲淹司馬光等官○白時
中罷李邦彥張邦昌為相○春正月翰離不抵京師先是
朝廷遣李鄴求和翰離不携鄴以攻京城不克乃遣王洵

金人
需備
師金
銀表

神師
道奏
宜割
寨寨

李邦
彥專
議和

補玉篇劉以針刺也

與鄴偕來邦彥等皆主和惟綱欲戰上是邦彥之計遣鄭
望之出使未至而遇王洵與俱入見又遣李統出使統又
與金使偕來金人需犒師金五百萬兩銀五十萬兩牛馬
萬頭表段百萬匹割中山河間太原三鎮地二十餘郡且
欲宰相親王為質遣張邦昌副康王如其營金國太子與
康王同射連發三矢皆中苦金人謂是將家子非親王遣
歸更請肅王為質神師道等諸路勤王兵至師道奏京城
周回八十里城高數十丈粟支數年宜與城內剽寨拒守
俟困擊之綱亦奏金以孤軍深入如虎投檻不可與角一
旦之力縱歸擊之必勝之計上然之而李邦彥吳敏等專
主和議論不一致屢有待汝議論定時我已渡河之議未

金人得地而退

補按構欽宗弟

統制官姚平仲宵攻金營不克上大驚懼廢行營罷李綱以謝金人太學生陳東及都人數萬伏闕乞復用綱得旨復右丞充守禦使眾乃散金使復來乃以割三鎮詔書遣使持往時括在京金僅得二十餘萬兩銀四百餘萬兩藏蓄已空金人圍京城凡三十三日得割地詔不俟金幣數足而退种師道請臨河要擊之綱亦以為彼兵六萬而我勤王之師二十餘萬縱其半渡而擊之必勝邦彥等不從惟詔三鎮仍堅守不割使去聲下並同見音現梳音拙表段凡衣有表有裏段幣帛也

中山之中音仲間音潤質音致康王皇弟構中苦之中去聲苦音格箭受弦處曰箬中箬謂後矢破前矢也更音庚

肅王亦皇弟徽宗第五子种師道等師道與同鎮陝西路姚平仲鄆廷張俊韓射中環慶汪洋馬廷燕河姚古秦鳳种師中及折彥質折可求等勤王兵勤於王事之兵俟困俟其糧乏兵困樞樞也圍也縱歸約以誓言詎復三鎮縱

上皇歸京師金兵復至

真古栗字

其歸國統制官掌宣撫軍琦復用復右之復音伏三鎮中山河間大原括金王孝迪議折取在京軍民官吏金銀要音腰

○京師受圍時梁師成已誅至是竄蔡京於儋州至潭而死年八十蔡攸竄萬安軍尋有詔即所在斬之童貫亦遠竄追斬於南雄儋音擔在南海今南寧府萬安軍在南海南雄府屬廣東○李邦彥罷張邦昌吳敏並相邦昌罷徐處仁相處仁敏罷唐恪相恪罷何真相真音栗○上皇歸京師數月金兵復至幹離不由東路陷真定長驅先抵京師粘罕由西路陷隆德太原府汾澤州平定軍平陽府河南府河陽府鄭州懷州抵京師張叔夜等統兵赴闕唐恪取南仲專主和議曰今百姓困匱養數十萬於城下何以給之乃止各道兵毋得動京師自十一月受圍凡四十日有卒郭京者言能用六

變臚演切說文
懼也一日切肉

甲法生擒粘罕鞏離不盡令守禦入下城獨坐城樓上以親兵數百自衛俄頃金人鼓譟而進京師衆曰須自下城作法因引餘兵南遁虜兵登城者纔四人衆皆披靡大潰上聞城陷慟哭曰朕不用种師道言以至於此時師道前一月卒矣護駕人猶有萬餘馬亦數千張叔夜連戰四日斬其貴將一人欲護駕突圍而出上惑於和議不定士卒號哭而散虜使劉晏請上出城都民爭入齋而食之何臬欲率都民巷戰聞者爭奮金人由是斂兵不下惟以割地責金幣和議為辭以誤戰守之計侍郎耿南仲力主議和上以為然遂墮其計二元帥請與上皇相見上曰上皇驚憂已病朕當自往遂如青城見之二宿而返明年春復請

宮皇通瑤

北宋帝為邦立金

水李若

徐度却掃編曰政和間始采周之王姬之稱而改公主曰帝姬郡主曰宗姬縣主曰族姬議者謂姬蓋周姓猶齊女曰齊姜宋女曰宋子皆因其姓而繫之國不曰周姬而曰王姬者蓋別於同姓諸侯魯姬衛姬耳國家趙氏乃當曰帝趙不得曰帝姬若以姬為婦人之美稱則充不可漢書高五王傳諸姬生趙幽王友師古注曰諸姬慈言哀妾之

上出郊續逼出上皇張叔夜諫曰今上一出不歸陛下不可再往臣當率勵精兵護駕以出縱虜騎追至臣決死戰或可僥倖若天不祚死於封疆不猶生陷於夷狄乎上皇欲飲藥為范瓊所奪逼上皇出宮皇后太子親王帝姬皇族前後三千餘人悉赴軍前城中子女金帛寶玩車服器用圖書百物括索公私上下俱空然後宣率王詔書選立異姓遂冊前太宰張邦昌為楚帝以宋二帝北歸金人在汴凡七閱月而去始至張叔夜嘗力戰餘皆主和以至累拜莫儔王時雍徐秉哲范瓊等往來逼逐上皇以下出郊議舉異姓方上在青城逼易御服時惟李若水抱持大呼奮罵金人刀裂其頤斷其舌而後梟之相謂曰大遼破死

西京已曾甫

宋欽宗

稱又非所以稱
帝也

何巢
張叔
夜不
食而
死

補語字可疑或
質之誤
按韻會頤同頤

義者十數。今南朝惟李侍郎一人。然一時憤死者甚衆。金
人不知也。吳華結衆欲劫還二帝。為范瓊誘殺。何奩孫傳
張叔夜秦檜司馬朴。皆爭論。存立趙氏。金人驅之從上
北行。叔夜不食粟。惟飲湯。過界河死。奩至燕亦不食。死當
京城危急時。四方勤王之師至者。皆詔止不進。恐妨和議。
訖金人之退。未嘗交兵。上在位不二年。國破改元曰靖康。
弟康王立于南京。是為高宗皇帝。真定府屬河北。即鎮州
山西懷州屬河東。即河內郡。六甲法如甲子甲寅甲辰甲
午甲申甲戌。遁甲之法。神師道言。先是金人之去。師道請
要擊之。不從。曰。異日必為後患。至是果然。二元帥幹離不
粘罕。青城虜營。為范之為去聲。下同。帝姬徽宗政和三年。
改公主為帝姬。斤音堅。往來云云。釜蹄云往來議事。以至
諸鑿異姓者。吳玠莫儔也。逼逐上皇以下。出郊者。王時雍
徐秉哲也。齊懼都人者。范瓊也。呼去聲。頤頤頤。口傍也。斷
音端。上聲。十數之數。上聲。論去聲。界河出霸州東。入于海。

論唐
小禍
之誤
人皆

南京即應天府。○呂中曰。靖康之禍。視石晉無以異。然契
丹三入中國。而三敗。契丹竭其力。攻之。而晉亦竭其力。復之。晉
力雖疲。而契丹亦弊矣。觀澶州之戰。虜衆風縱。火以迫之。
而晉軍饑渴之餘。乃大呼而求戰。向使如靖康時。則望風
而走矣。若非杜威之降。晉不亡也。契丹之敗。晉以百戰而
靖康之取。兩河再渡。河迫京師。未嘗有一戰之勞。皆小入
之夷狄。終始誤之也。其始也。開黨以召禍。後也。又欲連和。
以免禍。靖康之責。國降虜。即靖康主相之人也。靖康之主
和。即宣和。開黨之人也。宣和開黨。即熙寧紹
聖用兵之遺孽也。履霜。堅冰。其來有漸矣。

南宋

高宗皇帝名構。徽宗第九子也。母韋氏。徽宗夢吳越武肅
錢王入室。己而生。構封康王。靖康初。嘗出使。幹離不軍。是
冬。幹離不再來。奉詔再出使。耿南仲偕行至相州。民遮道。
請無往。至磁州。守臣宗澤止之。相州守以蠟書言。金人方
遣騎物色康王。所在乃回。相州與南仲揭榜召兵。勤王有

揭榜
召兵

補按綱目建武
五年集覽物色
訪之畫象其人
物顏色以訪求
之

左傳傳公二十
四年介子推曰
獻公之子九人
唯君在矣

詔以康王為大元帥汪伯彥宗澤為副領兵入衛王從伯
彥議出北門渡河至大名聞京師陷澤請進兵向京城伯
彥請王移兵東平措身安地南仲亦以為然遂東去知河
間府黃潛善亦領兵至進屯濟州探報二帝北行張邦昌
為金所立國號楚是日風霾日有薄暈百官慘怛邦昌亦
有憂色惟王時雍范瓊等欣然若有所得吳越國武肅謚
錢王錢姓王爵
名鏐相州守汪伯彥蠟書藏書蠟中揭音羯東平府屬山
東即鄆州濟州屬山東齊上聲探音貪為金之為去聲羅
暈音韻怛音丹个聲邦昌在位三十三日御史馬紳貽書
邦昌請速行改正易服歸省遂迎元祐孟太后聽政太后
迎立康王詔告中外有曰漢家之厄十世宜光武之中興
獻公之子九人惟重耳之尚在遣使奉表及以孟后詔來

改元
建炎

車駕
至揚州
州分
道人
道南
金人
至金
宗澤
表請
遷汴

○澈音徹

邦昌繼至伏地慟哭請死使臣自河北竄來進道君手札
曰便可即真來救父母王慟哭拜受遂趨應天府即位改
元建炎以主和誤國罷竄耿南仲召李綱為相以宗澤知
開封為留守綱至邊防軍政略有緒而潛善伯彥復主和
亟遣祈請使矣綱相數十日而罷潛善伯彥為相首誅上
書人陳東歐陽澈決策幸東南無復經制兩河之意是冬
車駕遂至揚州金人分三道南來二年春金人至汴為宗
澤所敗澤招撫群盜募四方義士合百餘萬糧支半歲表
疏連數十請上還汴潛善忌其成功從中沮之憂憤疽發
背而沒臨終無一語及家事但連呼過河者三都人為之
號慟聞者皆相吊出涕易音亦孟太后哲宗后時不宮有
位者皆從二帝惟孟氏以廢得存

西宗已

南宋高宗建炎元年

瑯琊代醉編云
粘罕兀朮皆以
小字行粘罕名
宗維兀朮名宗
弼
詩小雅六月篇
張仲孝友朱注
張仲吉甫之友
也
補金粘沒喝入
龔慶府衍聖公
孔端友已避敵
南去軍士欲殺
孔子墓者粘沒
喝曰大聖人墓
安可葬殺軍士
於是獲存

苗傳 劉正 上如 州揚 州揚

獻公晉侯使臣曹勛道君徽宗即真諭令即位上書之上
上聲上書人陳歐網罷相二人上言力諫潛善伯彥不可
任李綱不可去及諫用事者潛善伯彥奏誅之兩河河南
河北南來粘罕自雲中下太行將渡河攻河南離不兀
木自燕山內渡河攻山東棗宿撒喝自同州渡河攻陝西
為宗之為去聲下同敗音拜呼去聲○中興人事記曰自
古未有內外不相應而成功者有張仲孝友主於內而後
吉甫得以專征於外孔明欲出師於外則必任禕允於內
建炎之初綱在內澤在外此正天機二人以開中興之治
也使二人得盡行其志必能復君父之讐雪宗廟之恥使
神人之憤憤夫綱相則澤之志行綱去則澤之計沮蓋汪
黃既用事於中則澤安能措手於外既主幸東南之議則
還京之請雖二十疏而何益使渡
河而地指日成功亦安能免後患哉
三年春金人將至揚
州上得報亟出二相方會食堂吏呼曰駕行矣乃戎服南
走回望揚州烟焰已漲天矣呂頤浩張浚追及上於瓜洲
得小舟以渡至鎮江遂如杭州罷潛善伯彥以朱勝非為
相御營將苗傅劉正彥作亂請上禪位於皇子粵末三歲

張浚字德遠唐
相九齡第九子
卓之後
張俊字伯英鳳
翔成紀人

上如 建康

上如 杭東 金人 分道

孟太后聽政呂頤浩張浚帥師勤王韓世忠為前軍張俊
翼之劉光世游擊為殿勝非說二克亟反正尊孟后為隆
祐皇太后勝非罷呂頤浩為相二克走世忠追之皆伏誅
上如建康以浚為川陝宣撫處置使隆祐太后如南昌聞
兀朮請於粘罕將犯江浙故也將至之將將犯之將並音
去聲瓜洲渡在揚州鎮江府屬江浙即京口粵音乎未二
歲粵年未周三歲帥音率翼之助也殿音顛去聲說音稅
二克苗傅劉正彥亟反正云案宋鑿勝非又上疏太后
乞高宗還位嗣君立為皇太子詔皆從之勝非罷以不能
止二克之亂川杜充為右僕射守建康上如杭州升杭為
臨安府自臨安如浙東金人分兩道一軍自蘄黃渡江劉
光世在江州以為蘄黃小盜遣王德拒之於興國軍始知
為金人金人自太治趨洪撫建昌臨江吉州追隆祐太后

○冷音也

南宋高宗

揚邦人血

已次台州

不及遂陷素潭荆南澧州乃自石首北渡而去一軍自滁
 和向江東馬家渡濟江陷建康杜充及守臣皆降於兀朮
 通判楊邦人不從刺血書裾曰寧為趙氏鬼不作他邦臣
 衆擁見兀朮誘諭累日輒叱罵卒大罵見殺兀朮長驅陷
 杭州上去已七日兀朮進陷越州四年春陷明州時上已
 次台州章安鎮金人以船犯昌國縣欲追襲上舟提領海
 舟張公祐引大船擊散之乃退回兵陷秀平江常州至鎮
 江韓世忠邀之以海舟與戰數十合多俘獲伏卒金山龍
 王廟幾獲兀朮相持於黃天蕩兀朮求假道甚恭不許欲
 自建康北歸不得去或教於冶城西南隅蘆場地鑿大渠
 一夕成次早出舟趨建康世忠大驚尾擊之一日值無風

金人地

金人調

海舟不能動兀朮乃引其舟出江北去疾如飛以火箭射
 海舟世忠軍亂奔還兀朮乃得北遁統制岳飛邀擊敗之
 於六合興國軍屬湖廣大治縣屬興國軍洪撫即臨川郡
 州豐音禮皆屬湖廣石首縣屬江陵州屬江西荆南或云即
 陽郡馬家渡在太平降音項平聲又音刈刺音次針刺
 見之見音現累上聲卒大之卒音導入聲明州屬浙東今
 慶元府台州屬浙東昌國縣屬慶元秀今嘉興府常州皆
 屬江浙金山在江中去鎮江城十里音
 機統制岳飛統制官岳姓飛名敗音拜初張浚西行上
 命浚三年而後用師及是檉辣兀朮皆在淮東浚聞兀朮
 躊躇必再犯東南議出師攻取以分其勢士大夫及諸將
 皆以為不可浚決策移檄粘罕問罪遣吳玠入長安金人
 遂調兀朮自京西星馳赴陝西與婁室合浚合六路兵至
 富平婁室擁兵驟至鐵騎直擊環慶路趙哲軍宿路不援

上自海

補按嘗為下當
有粘罕二字事
見弘簡錄槍傳

哲離所部諸軍退金遂乘勝而前浚斬趙哲諸路兵皆散
 去陝西大震浚駐軍興州遣劉子羽訪諸將所在各引所
 部來會人心粗安吳玠支保大散關東和尚原辣音闌入
婁室金將六路同州郡延環慶照河秦鳳涇原 ○上自海
富平縣屬輝州援音院粗音措上聲散音傘
 道面駐越州呂頤浩罷范宗尹為相秦檜南歸赴行在檜
 在北依捷辣為所任用捷辣南侵檜參謀其軍嘗為草檄
 下山東州郡挈全家泛小舟抵連水軍自言逃歸朝士多
 疑之檜言如欲天下無事須是南自南北自北乞上致書
 捷辣以求好其言皆捷辣意也為所之為去聲下並同連
水軍屬淮南今安東州好
 去 ○是歲劉豫稱帝豫景州人於建炎戊申以濟南守降
 金為之用得知東平府兼節制河南粘罕白金主循邦昌

國號

命張

張浚

魏公嘗按視曲
 端軍端執搃以
 軍禮見傍無一
 人公異之謂欽
 點視端以所部
 五軍籍進公命
 點其一則於庭
 開籠縱一鴿以
 往而所點之軍
 隨至張為愕然
 既而欲盡觀於
 是悉縱五鴿則
 五軍頃刻而集
 戈甲煥燦旗幟
 精明魏公雖面
 贊而心實忌之
 南宋紹興八月張
 浚殺左武木夫
 曲端浚自富平
 敗後乃思端言
 召之還稍復其
 官後聞州將復

故事立豫國號大齊後遷都于汴粘罕既得關中地悉割
 以與豫濟上聲降金豫為濟 ○紹興元年命張俊討江淮
 盜李成成據江淮六七州連兵數萬有席卷東南之意尋
 陷江筠臨江俊擊其軍復三郡成遁降齊江筠今瑞州三
江皆屬江西 ○張浚盡失陝西之地惟餘階成岷鳳洮五
復音伏下同 郡及鳳翔府之和尚原隴州之方山原而已浚退保關州
 統制曲端有威名浚先用譖罷其兵柄安置萬州西人倚
 端為重及貶軍情不悅至是又送恭州獄殺之士大夫軍
 民皆悵恨西人益以是非浚五郡階成岷洮屬鞏鳳屬
陝西閬音浪州屬順江大保寧
府曲端曲姓端名萬州屬川南西人陝西人恭州 金人
屬川南今車慶府非浚以銀申端事而非議張浚
 分兩道向蜀吳玠與弟璘大敗之於和尚原又選將敗之

用之王庶後而
因畫申端謀及
四字于未示浚
廢又言端嘗作
詩題柱曰不向
關中興事業却
來江上泛漁舟
謂其指舟乘輿
浚乃送端于恭
州獄有武臣康
隨者嘗以事許
端端鞭其背隨
深憾之會浚以
隨授熙慶州刑
獄端聞之曰吾
其死矣隨至命
獄吏擊維端以
紙糊其口脅之
以火端乾渴求
飲與之酒九竅
流血而死陝西

於箭筈關兩道皆不能入（麟音隣敗音拜下同）○范宗尹
罷秦檜昌言曰我有二策可以聳動天下遂為右相呂頤
浩為左相○兀朮會諸道及女真兵造浮梁於寶雞縣渡
渭攻和尚原玠璘三日三十餘戰大破之兀朮中流矢僅
以身免始自河東歸燕山（寶雞縣屬鳳翔中）○紹興二年上自
越州還臨安言者劾秦檜專主和議沮止恢復遠圖檜罷
朱勝非為右相（言者黃龜年）○紹興三年春金撤離曷自鳳翔
長安聲言東去實由商於出漢陰直趨金商吳玠急引兵
扼之饒風嶺金人間道遠出其後玠還仙人關金人遂
進陷興元知府劉子羽退保三泉縣潭毒山撤離曷食盡
乃引還吳璘以無糧拔寨棄和尚原金人得之玠度其必

主大夫以端累
立大功死非其
罪莫不痛惜之
軍士悵悵有叛
去者
撒俗擦字曷何
葛切

深入乃嚴兵以待兀朮果與撒離曷來犯仙人關玠璘與
戰七日金人不能支宵遁玠設伏扼其歸路又敗之是舉
也金人決意入蜀卒不得志是歲浚又失洮岷關外惟存
階成秦鳳浚召還尋與劉子羽皆敗竄浚是行本欲由關
陝取中原乃盡喪關陝而歸賴得玠璘保蜀而已（漢陰縣屬金州）

金兵

關陝關中陝西○齊遣李成攻陷鄧襄隨鄧唐州信陽軍
等岳飛復隨鄧成棄襄陽而遁（鄧今安陸府信陽軍即中州已上六州隨鄧屬湖北）
○呂頤浩朱勝非相繼罷趙鼎為右相○齊以
金兵分道南侵上詔親征出如平江以張浚知樞密院先
是浚極言北方既無西顧憂必併力窺東南上思其言遂

張視師

鮮元成開宋二將

補綱鑑會編注曰大儀鎮在今江都縣西

召之浚至請遣岳飛渡江入淮西以牽制北兵之在淮東者從之上命浚視師江上將士見浚來勇氣皆倍時韓世忠駐揚州先已大敗金兵於大儀鎮擒其將撻也鮮元成閱與戰于承州十三捷仇念孫暉敗之於壽春安豐王德敗之於滁州岳飛遣牛皋等攻之於廬州撻辣兀木知為世忠所扼江不可渡引還齊劉麟劉觀棄輜重遁去皆倍倍也大儀鎮所在未詳解音蟹姓也承州屬淮東今高郵府仇念宋將仇姓念名念音豫壽春府屬淮西即壽州安豐壽春屬縣廬州屬淮西為世○紹興五年上自平江還臨安趙鼎張浚為左右相浚兼都督諸路軍馬尋復命浚視師江上浚至鎮江召韓世忠使舉兵移屯楚州浚至建康撫張俊軍至太平州撫劉光世軍無不踊躍思奮以岳

揚公即揚太見綱目紹興五年鶴林王露曰岳飛偶獲一謀者問其巢穴對曰險阻安可入惟飛乃能入耳飛大笑曰天遣汝為此言吾必破其巢穴三軍大喜迨乎之

金主

賈音丹上聲

飛為河北京西招討使太平州屬江○先是建炎庚戌中有武陵人鍾相起於鼎州僭號楚鼎澧潭辰岳之境皆盜區相敗就擒其徒有楊公者據洞庭遂為劇寇官軍陸襲之則入湖水攻之則登岸曰有能害我除是飛來浚謂上流不先去公為腹心害將無以立國請自行浚至湖南會岳飛兵至急攻其水寨公窮蹙赴水死遂平浚自湖南轉由兩淮會諸將議防秋乃入見武陵縣屬常德相去聲鼎州屬湖廣今常德府澧音禮岳州屬湖廣即巴陵郡公音腰去去聲將無之將音樂兩淮淮東淮西防秋秋高馬肥必防外夷侵境見音現○金主晟殂蓋文烈初是與晟約兄弟立而後復歸是之子故晟捨己子宗盤而立是長孫曷囉馬為諸版字極烈儲副位也曷囉馬名亶至是遂即位宗盤與是之別子

蒙國

分道

及粘罕皆爭立而不得粘罕時已失兵柄與悟室並相粘罕絕食縱飲而死蒙國叛金蒙在女真之北在唐為蒙兀部亦號蒙骨斯復音伏已音紀馬囉馬金志作馬刺馬是方子宗峻之子儲副位宋史云字極烈猶中國之總管案金志是末年除諸版字極烈為都元帥又云金國自來以諸版字極烈為儲副故晟以直任諸版字極烈之職以為儲副蒙國元朝之興始此

○紹興六年張浚復出視師上自臨安如平江齊人分道入寇初劉豫因粘罕得立知奉粘罕而已蔑視他帥及是請兵於金宗盤沮之聽豫自行而遣兀朮提兵黎陽以觀釁劉光世時駐廬州以為難守張俊駐泗州亦請益兵衆情洵懼張浚以書戒俊及光世有進擊無退保趙鼎等請上親書付浚欲退師還南保江浚力爭以為可保必勝一退則大事去矣光世已舍廬州而退

上皇

浚即星馳至采石遣人喻其衆若有二人渡江即斬以徇仍督光世復還廬州光世不得已乃駐兵遣王德麟瓊三敗齊兵於霍丘正陽及前羊市時劉猷至淮東阻韓世忠兵不敢進乃從淮西渡浚遣張俊統制官楊沂中至濠州與俊合兵沂中敗猷前鋒猷引兵欲會劉麟于合肥而後進沂中與遇於藕塘合戰猷大敗麟聞猷敗望風潰去光世乘勝追襲亦捷北方大恐上曰克敵之功皆出右相趙鼎遂罷保江以江為限自保爭如字含音捨復還之復音伏敗音拜下同霍丘縣屬安豐前羊市皆霍丘地

○上皇以五年四月殂至七年春函問始至壽五十四二帝自建炎初由燕山如中京古奚國舊郡也在燕山北千里次年又自中京移韓州在中京東北千五百里

議主和

補

內艱母喪也
綱目浚謂飛曰
王德淮西軍所
服浚欲以為都
統而命呂社以
督府參謀領之
如何飛曰德與
鄺瓊素不相下
一且握之在上

後二年又自韓州移五國城在金國所都東北千里上皇
終焉音習 ○岳飛為湖北京西宣撫使時淮東宣撫使韓
世忠江東宣撫使張俊皆久已立功而飛以列將拔起世
忠俊不平飛屈己下之二人皆不答及飛破楊公俊益忌
之於是嫌隙日深上自如平江如建康飛因扈駕以行入
見疏論恢復秦檜時為樞密副使主和議忌飛成功沮之
飛以內艱去上力起之劉光世以言者論其退師幾誤事
罷兵柄張浚以王德統其軍德與鄺瓊等夷不相下大譟
詣督府訖德浚乃召德還為督府都統制而以呂社為督
府參謀領其軍社簡倨不通將士之情聞瓊等及側密乞
罷之瓊叛執社以所部數萬降齊張浚遂以言罷浚之用

劉源

胡銓

則必爭呂尚書
不習軍旅恐不
俊楊沂中如何
飛曰張宣撫飛
之奮師也其人
暴而寡謀沂中
視德等耳亦豈
能御此軍哉浚
脆然曰固非大
尉不可飛曰都
督以正問飛飛
不敢不盡其愚
豈以得軍為念
哉飛既與浚忤
即日上章乞終
喪服以張憲攝
軍事步歸廬山
廬母墓側浚怒
遂以張宗元權
宜撫判官監其

德與社岳飛嘗言其不可浚不聽故敗趙鼎復相音紀
疏去聲恢復之復音伏艱丁憂 ○金人以劉豫不能立國
綏音機等夷平等之人社音耻 廢之齊立八歲而亡 ○紹興八年上自建康還臨安秦檜
復相趙鼎罷詔議講和自建炎以來無歲不遣使直願去
尊號奉其正朔比於藩臣金人不從使者往多拘囚後數
南侵不利知江南不可圖然後遣檜為間至豫廢和議乃
決金使張通古來編脩官胡銓上疏以為陛下音屈 屈膝則
祖宗廟社之靈盡汚夷狄祖宗之赤子盡為左袒朝廷宰
執皆為陪臣異時豺狼無厭安知不加我以無禮如劉豫
夫三尺童子無知指犬豕而使拜則佛然怒堂堂天朝相
率而拜犬豕曾無童稚之羞邪奉使王倫誘致北使以招

南宋高宗

陝西以歸河

軍。岩云高孝二帝銳志於復讐惜帝無謀者輕舉浪戰屢致敗以沮喪主心時有如岳公將才令不得盡其用而逆秦乘勝成奸謀也其罪蓋有所歸焉按是時李綱亦上疏言今者倫之歸與虜使借乃不若國號而曰江南不云通問而曰詔諭此何禮也漢書師古注葦街街名蠻夷邸在此街也

忠名顯

部一本作却史魯仲連傳彼秦者亦禮義而上首功之國也權使其士虜使其民彼即肆然而為帝過而為政於天下則連有蹈東海而死耳吾不忍為之民也

長道分金

部一本作却史魯仲連傳彼秦者亦禮義而上首功之國也權使其士虜使其民彼即肆然而為帝過而為政於天下則連有蹈東海而死耳吾不忍為之民也

諭江南為名欲臣妾我執政孫近附會秦檜臣義不與檜等共戴天乞斬倫檜近三人頭竿之藁街然後羈其使責無禮與問罪之師三軍之士不戰而氣自倍不然臣有蹈東海而死耳寧能處小朝廷求活邪書上連貶竄音澗上疏之上上聲左社音任上聲本襟也左社東狄之俗陪臣諸侯之臣厭音淹如劉豫劉豫既立為帝而又廢之夫音扶佛音佛曾音層妾音踐貶竄初韶州次新州後海南

○紹興九年金人先以陝西河南地歸宋朝廷遣官謁陵寢交地界除汴京留守陝寢歷朝墳陵寢廟留○青澗城李世輔來歸世輔之先累世為蕃族都巡檢使父子雖嘗仕齊每相泣恨不得歸宋齊用世輔知同州嘗得間生擒撒離曷欲歸朝金兵來追縱之而奔西夏其父母及二子一孫皆被戮至是乞兵

於夏以復既出則知陝西已還宋乃部夏兵而來上慰勞加賜賚賜名顯忠音澗城在陝西今緜德州上聲間音澗二子一孫名智未詳復音伏勞去聲

○金國有謀反者事連宗盤等皆坐誅左副元帥撻辣實揚割長子金主亶之大父行也自粘罕死宗戚大臣皆懼撻辣與悟室尋亦以謀叛先後誅金與宋和實撻辣主之撻辣既死於是右副元帥兀朮為左相乃密奏於其主以宋未議歲貢正朔誓表冊命而撻辣擅許割地遂渝盟父大行大父祖也○紹興十年金兵分四道南侵劉錡大破兀朮於順昌府檜急啓上召錡還岳飛敗之於郾城幾擒兀朮飛至朱仙鎮檜急啓上召飛還韓世忠敗金人於淮陽之淝口兀朮還汴檢兩河軍與蕃部以謀再舉南侵聶勣守童出山東檜

西京已始有南一八八

元本

置

南宋紹興與張
憲皆棄市凡訟
飛寃者或默或
死傳成其獄者
進秩飛事親孝
立志慷慨以必
取中原滅讎虜
為念或問天下
何時太平飛曰
文臣不愛錢武
臣不惜死天下
太平矣飛御十
卒嚴而有恩凡
有領犒均給軍
吏秋毫無私善
以少擊衆欲有
所舉盡名諸統
制與謀謀定而
後戰故有勝無
敗挫遇敵不動
故敵為之語曰
撼山易撼岳家

○十一年元本陷廬州侵和州劉錡揚濟中敗之於
化歸建康劉錡自采石歸太平州罷宣撫司以其兵隸御
前遇出師時臨時取旨以韓世忠張俊為樞密使岳飛副
使飛世忠尋罷元本以書抵檜曰爾朝夕以和請而岳飛
方為河北圖必殺飛乃可張俊又構成飛罪逮赴獄檜奏
誅飛及張憲岳雲和議遂諧歸韋太后及徽宗梓宮於宋
金人不惟盡悔所許陝西河南地仍割唐鄧等州入金盡
淮中流為界西割商秦之半棄和尚方山原時宣撫使吳
玠卒四年矣胡世將代之力以和尚原等地為不可棄兀

蒙兀

軍難張浚嘗問
用兵之術飛曰
仁信智勇嚴閑
一不可飛好賢
禮士覽經史雅
歌投壘恂恂如
書生

金主

木必欲之遂以大散關為界于時金國屢有內叛宗戚大
臣相繼誅夷且北有蒙兀自號大蒙稱帝改元連歲用兵
卒不能討而與之和南侵又不得逞而宋之猛將精兵方
日盛恢復實不難沮於秦檜有志之士扼腕歎息兀本且
死曰南朝軍勢強甚宜益加和好俟十數年南軍衰老然
後圖之張浚趙鼎皆遠竄鼎卒於海外當時異議之人敗
竄殆盡無復敢言兵者秦檜地在巢縣宜化地在康西

淮西就道後貽書以前途乏糧飛不為步及後歸朝天言
飛逗留不進以糧乏為辭沮喪士氣令萬俟卨交章劾飛
岳雲飛子梓官人死于梓官世將之將音釵大蒙即
蒙國又曰蒙古又曰韃靼是為元朝恢復之復音伏遠竄
浚連州鼎興化○紹興十九年金主亶為其下所弑共立
軍移漳州潮州○紹興二十年金主亮

丞相岐王亮亶之孫也為去聲孫○紹興二十年金主亮

南宋高宗

卒

論高宗不與者

欽宗至

以上京僻在一隅城燕京徙居之改燕京析津府為大興府號中都以中京會寧府為北京汴京開封府為南京而舊遼陽府為東京大同府為西京如故分蕃漢地為十四路置總管府○二十五年秦檜卒檜秉政十八年臨終猶起大獄欲殺異己者張浚李光胡寅等五十三人幸檜病已不能書得免已音紹○劉氏曰靖康未檜任中司以抗相力引一時仁賢如胡安國之徒布在臺省士大夫丞執之既而諸執政盡逐而檜獨留韓世忠張浚岳飛方檜兵權檜與張浚密約議和而以岳飛既飛既誅世忠亦罷由是中外大懼盡歸于檜非檜親黨則不得任忠正之士多避山林罷兵講和而使高宗不能成中興之業者檜之罪可勝誅哉沉該万俟卨湯思退陳康伯朱倬相繼為相万俟音墨其覆姓也倬音卓○三十一年欽宗出問至以去年冬殂於五國城年六十○金主亮修汴京蓋

補

金

詩數海陵題歌
屏詩云萬里車
書合混同江南
那有別提封移
兵百萬西湖上
立馬吳山第一
峰

按老學庵筆記
揚公戰船有車
船有發船有海
鯨頭

鯨俗鯨字取幽
切音秋海鯨形
長者牡蠣聚族
其背崇十許丈
鮑負以遊大者
穴居海底穴

經營南侵幾年矣嘗因使來密藏畫工圖繪臨安山水城市官室以歸題詩其上有立馬吳山第一峯之句是秋徙居汴遂渝盟舉兵其母諫殺之以威衆兵號百萬陷淮西諸郡江淮浙西制置使劉錡遣王權迎敵權逗留已而退還奔采石報至中外大震有浮海避狄之議陳康伯不可命葉義問視師中書舍人虞允文參謀軍事金人陷揚州趨瓜州劉錡遣將敗之於阜甬林有詔令錡還軍專防江上金主欲由采石渡朝廷以李顯忠代權而未至金人舟來虞允文亟督水軍海鯨船迎擊死鬪金人不能濟時亮聞有內變又聞舟師由海道來者已為李寶所焚而荆鄂諸軍方自上流而下忿甚乃回揚州召諸將約三日必濟

金人
立號
王廣

則海溢為潮。按亮既至江北，掠民船指麾欲濟。允文伏舟於七寶山後，令曰：旗舉則出，伺其半渡，舉旗于山。人在舟中踏車以行，船不見。人以為紙船也。舟中忽發一霹靂，礮蓋以紙為之，而實以石灰礮黃礮自空而下，墜水中。礮黃得水而火自水跳，出其聲如雷。紙裂而石灰散為烟霧，眯其入馬之目，咫尺不相見。遂壓虜舟入。

上內
禪

過期盡殺諸將，遂弒亮。方亮之引而南也，渤海一軍叛去，已擁立葛王襲于遼陽。聞亮死，遂入譙京。追謚宣為閔宗。廢亮為海陵王，謚曰煬。襲晟之孫也。後改名雍，先是數年張浚嘗言：金必渝盟，時相湯思退等大駭，以為狂。至是浚起判建康，上自臨安如建康。浚迎謁，衛士見其復用，以手加額。逗音豆，敗音拜，阜角林在揚州，今去聲。○三十二年上還臨安，金使來遣使報之，復尋和議。夏六月，上內禪，退居德壽宮。在位三十六年，改元者二，曰建炎，紹興。皇太子立，是為孝宗皇帝。

嘉
瑞

馬皆濕。張氏者子傅之，未人也。
按後漢崔瑗，字子玉，舉茂才，遷汲令。入歌之曰：天降神明，君賜我慈仁。父後胡廣薦瑗，宿德大儒，遷濟北相。

張浚
北伐

宗為康王，出使至磁州。磁人夢崔府君出迎，張氏以是歲丁未生伯琮於秀州，有嘉禾之瑞。小名羊，高宗喪太子勇，命選太祖之後，得伯琮，鞠官中，賜名瑗。適與崔府君名同，封晉安郡王。秦檜疾其英明，而不能害也，竟立為皇子，賜名瑋，封楚王。紹興末，賜名昀，立為皇太子，尋詔即位，尊奉。上皇帝為光堯壽聖皇帝，皇后吳氏為壽聖太皇太后。稱時孝宗父已死，追封為秀王，謚曰安僖，名子傅，崔府君神名，識音志，瑗音院，昀音慎。○以史浩為右相，張浚樞密使，督師江淮，遂北伐，浩不與其議，力丐罷。李顯忠出濠州，趨靈壁，敗金兵。邵宏淵出泗州，圍虹縣，降。金將進克宿州，金副元帥紇石烈志寧率兵至，顯忠與戰，連日未決，謀報金人大興河南兵，將至會宏淵與顯忠不。

張浚終身不主和議

按綱目孝宗隆興二年張浚得疾手書付二子棧拘云云棧即南軒先生也

相能而顯忠又不獷士士憤怨遂潰而歸金人亦解去上銳意恢復是役不利乃復議和陳康伯罷湯思退張浚為左右相浚仍以都督視師數月而罷未幾卒浚許國之心白首不渝終身不主和議遺命付其二子以不能復中原雪國耻不得祔葬先人之墓

不與之與音豫丐音蓋乞也靈壁縣屬宿州敗音拜虹音降虹縣屬泗州降音項平聲宿州屬河南列志寧金帥名將至之將音漿恢復之復復中音復並音伏幾如字二子一名付又其一未詳○劉氏曰魏公之志貫日月既有議之者然早歲晚節有不可辨者二力攻李綱而寧與注黃同朝一不可曉也力引秦檜使至得政而寧與趙鼎語不相下二不可曉也○呂中曰嘗觀國家自有中原之禍以來終始主戰者浚也終始主和者檜也以浚主戰而不免有富平之敗鄴瓊之叛符離之潰以檜主和而江左少康二十一年是以當時主議者寧為檜而不為浚游談者寧慕檜而不慕浚無他檜之所為與人之私心合也然千載而下言及檜則人皆思食其肉以快天地神人之憤言及浚則人莫不以下手如額效林宗而慕李膺者矣以此見忠義

者个心之所同浚之所為又與人之公心合也彼富貴利遠飄風過耳而滿人平土英風常存是浚雖死而浚之心未嘗不行○湯思退密有召虜議和之迹言者論罷竄之於後世也

道死康伯復相和議成先是國書大宋去大字皇帝去皇字書用君臣之禮有再拜等語金使至則起立問金王起居降坐受書奉使者自同陪臣館伴之屬皆拜其來使至是始稱上為宋皇帝止為叔姪之國易歲貢為歲幣歲幣減十萬之數地界如紹興之時而餘禮往往竟不能盡改上終身憤之其後屢請還河南陵寢地改受書禮金人卒不從蓋上雖有志復讐而無能輔其志者自陳康伯卒後共造葉顥魏杞蔣芾陳浚卿虞允文梁克家曾懷葉衡史浩趙雄主淮周必大留正相繼為相惟浚卿允文並相時

按綱目淳熙二十六年六月召朱熹為秘書郎不至先是陳俊卿劉珙薦熹為樞密院編脩官累召不至史浩復薦熹知南康軍再辭不許至南康值歲不雨講求荒政多所全活同八年九月以朱熹提舉浙東常平茶鹽冬十一月下熹社倉法于諸路浙東大飢熹始拜命即移書他郡募米商蠲其征及至則米已糶集熹日鉤訪民隱按行境內單車

有經營北方之議而浚卿持重卒與允文不合允文所為人亦議其虛誕竟不效如浩尤不主用兵必大從容廟堂善類多所引進朱熹以淳熙十五年被召必大作相時也初程頤卒於徽宗之世其徒楊時在欽宗光堯時皆被擢趙鼎雖不及識頤而主張其學思之者以楊時為還魂鼎為尊魂胡安國為強魂其後又有尹焞見召入經筵焞蓋頤晚年高弟也士大夫名程氏之學曰道學時好所尚或冒此名以進時好不同亦多以此名見擠於世延平李侗受學於楊時之門人羅從彥而熹又受學於侗胡銓嘗薦熹於光堯熹不至乾道以來屢召不起特旨改秩奉祠召入館不就後為南康守浙東荒除熹提舉往救之過關嘗

朱熹進封

張栻名

屏徒從所至人不及知郡縣官吏懼其風采至自引去所部肅然熹言乾道四年民艱食熹請於府得常平米六百石賑貸夏受粟于倉冬則加息計米以償自後隨年歛散歉獨其息之半大飢則盡蠲之凡十有四年以元數六百石還府見儲米三千丁百石以為社倉不復收息每石止收耗米三升以故下鄉四十五里間雖遇歉年民不飲食

一入奏事至是召對除兵部郎與侍郎林奩不合即奉祠去數月復召熹辭惟進封事言天下之大本與今日之急務大本在陛下之心急務則輔翼太子選任大臣振舉綱維變化風俗愛養民力修明軍政六者是也熹之同志有廣漢張栻者魏忠獻公浚之子其學得之胡宏宏安國子也栻之言曰有所為而為者利也無所為而為者義也學者誦為名言稱栻為南軒先生有呂祖謙者公著之五世希哲之四世孫也亦祖程氏之學學者稱為東萊先生皆先是數年卒矣惟熹學問老而彌篤學者共師宗之稱為晦菴先生四方仰其人如泰山北斗南使至北金人必問朱先生安在同時有臨川陸九淵世號象山先生者與熹

西京已曾南

南宋孝宗

父書曰。木抵子。思以來教人之法。惟以尊德性。道問學兩事為用力之要。今子靜所說。專是尊德性事。而兼平曰。論却是問學上多了。

朱又曰。聖賢教人有定本。如博學審問。謹思明辨。篤行。是也。其人資質剛柔敏鈍。不可一槩論。其教則不易。禪家教更無定。今日說無定。陸子靜似之。

爭論太極圖說。且謂學有悟入。譏熹後事。訓解意見頗立。

異云賈之云云講永州行至信州而死去上聲下同陪臣宋使自同諸侯陪臣復雙之復音伏造音括帝音弗留

正留姓正名焯音淳延平郡屬福建今南劍府奏事上書言事封事實封上書魏忠獻公魏國忠獻謚公薛

所為之為未聲下如字後做此○上久有與子之意會光堯皇帝壽八十

二而崩乃詔內禪上奉德壽二十六年孝養備至既升遐

哀慕尤切以不得日奉几筵欲退終喪制移居重華宮在

位二十八年金世宗雍以是歲殂其嗣允恭先卒孫璟立

雍賢明仁恕號為北方小堯舜故金之大定三十年與宋

之隆興乾道淳熙相終始南北皆得休息彼此無可乘之

釁上之齋志不克大有為者以此太子立是為光宗皇帝

德壽光堯官名養音漾重平聲二十八年改元者三日隆興乾道淳熙璟音景大定金淳宗年號齋音齊持也

李后

通鑑二年冬十一月帝有疾不視朝初帝欲誅宦者近習皆懼遂離間三宮帝疑之不能自解會帝得心疾上皇購得良藥欲因帝至宮授之宦者遂訴于皇危曰太上合藥一大丸俟官車過即投藥萬一有不虞其奈宗社何后心與之

光宗皇帝名惇年四十四自東宮受禪尊太上皇帝為至

尊壽皇聖帝周必大罷留正葛邲為左右相改元曰紹熙

皇后李氏大將李道女也悍而死欲亟立太子嘉王為儲

嗣因內宴請於壽皇不許后不遜壽皇有怒語后銜之乃

造誣罔謂壽皇有廢立意致上驚恐得疑疾及聞後官有

暴死者上震懼疾愈甚不復過重華宮近兩載始一至壽

皇彌不懌上亦不能視疾壽皇居重華踰五載壽六十八

而崩上不能執喪一日忽仆於地中外危懼太皇太后立

嘉王是為寧宗皇帝邲音弼載上聲○光宗在位五年

寧宗皇帝名擴初封嘉王孝宗崩光宗疾病知樞密院事

趙汝愚密建翼戴之議知憲聖慈烈吳太皇太后以宗社

朱熹 韓侂胄 趙汝愚 引進 善類

韓侂胄欲推定策功趙汝愚曰吾宗臣汝外戚也何可以言功

為憂將白事而難其人。有知閣門事韓侂胄者琦之曾孫而太皇女弟之子也。乃因以入白。太皇垂簾引熹王入即位。代執孝宗之喪。中外危疑者乃定。光宗居壽康宮。後六年而崩。壽五十四。上之為熹王也。黃裳為翊善。講說開導。光宗嘗宣喻曰。熹王進學。皆卿之功。裳曰。若欲進德修業。追繼古先哲王。須尋天下第一人。乃可問為誰。以朱熹對。彭龜年繼為官僚。因講每及熹說。上傾心已久。熹在光宗時守漳州。後守漳州。為湖南安撫。至上登極。首被召除待制兼侍講。熹未至。已聞近習用事。御筆指揮皆有漸深憂之。留正罷。汝愚為相。韓侂胄自負有定策功。希不次之賞。汝愚不肯驟除。遂怨。汝愚為政。方務引進善類。裁抑僥倖。

但遷侂胄防禦。侂胄大失望。然以傳導詔旨。寢見親筆時乘間。竊弄威福。臨宋府徐誼告汝愚曰。侂胄異時必為國患。宜飽其欲而遠之。不聽。

小人滋不悅。相與共排之。朱熹既至上疏。忤侂胄。在朝甫四十六日。而罷。言者以為熹有官祠之命。遠近相吊。天下太老去之。誰不欲去。若正人盡去。何以為國。汝愚袖還內批。且諫。且拜不聽。侂胄欲併逐汝愚。而難其名。或教之曰。彼宗姓。誣以謀危社稷。則一網盡矣。侂胄然之。汝愚在相位數月。罷連貶。竄服藥以死。侂胄用李沐。何澹。劉德秀。胡紘。沈繼相等。為薦大。搏擊善類。無遺。彭龜年。劉光祖。章穎。葉適。徐誼。沈有開。吳獵。黃由。黃度。鄧駟。陳傅良。樓鑰。鄭湜。李祥。楊簡。呂祖儉。曾三聘。游仲鴻。項安世。孫元德。袁燮。陳武。汪達。范仲黼。黃灝。詹體仁等。貶逐不可勝紀。籍記黨人姓名。目曰偽學。以朱熹為首。在籍者數十人。蔡元定坐熹。

籍記

韓侂胄

呂氏之品當依

按六人楊宏中周端朝張衡林仲麟蔣傳徐範見綱目寧宗慶元元年

朱熹

累道州編管太學生楊宏中等六人亦坐上書救黨人編
 管留正以嘗引用黨人亦黜竄俞端禮京鑑謝深甫相繼
 為相太皇太后紹興初光宗上高宗后呂氏尊号曰憲聖慈烈太皇太后將音漿難如字下同閣音甘个聲侂音訛太皇吳后女弟妹曰女弟代執云云代光宗為孝宗承重羽善官掌輔贊善道官僚王官僚屬傾心向慕也有漸御筆指揮漸近習上疏之上上書之上並上聲下同言者游仲鴻官祠之命奉祠祀于外之命內批上所批罷朱子之勅宗姓宗室同姓澹音淡絃音橫搏音博駟音日退音植灝音浩勝音升累去聲六人姓名未詳○呂中曰父有天賜傳歸於子此古今之常也後世以个馬往往貪天之功以為己有非小人之尤者乎嘗聞哲廟之立本宜仁保佑之賜與諸大臣建請之功群儉矯誣乃以定策歸功蔡確而上譏宣仁下累王珪遂為元祐大臣不可解之禍其往轍可鑒矣我考纂承大統蓋慈福官定計於內遺忠定諸臣效贊於外侂胄何人寅緣戚里蒙蔽朝廷既撥奪其功掩為己有猶且附會言章竄之於必死之地亦獨何心哉然則確與侂胄其罪俱不可勝誅矣鏗音湯

○朱熹以慶元庚申平時偽學黨禁雖嚴會葬者亦數千

宋鑑熹登第五十年仕于外者僅九考立朝纔四十六日攻偽學日急士之繩趨尺步稍以儒自名者無所容其身從游之士特立不顧者屏伏世密依阿異懦者更名他師過門不入而熹且與諸生講學不休或勸其謝遣半徒者笑而不答疾且草而坐整衣冠就枕而卒

侂胄權傾

侂胄生事

人呂祖泰上書論雪偽學乞誅侂胄及其黨蘇師旦周筠罷逐陳自強之徒召用周必大不然事將不測書出中外大駭杖一百不刺面配欽州必大亦坐謫降熹沒踰年黨禁稍解諸人或復官自便然消沮變化之餘風俗已大壞矣將音漿復音伏○謝深甫罷陳自強為相侂胄以太師平原郡王平章軍國事權傾人主威制上下服御擬於乘輿牛木侈於禁苑諛者至稱為恩王聖相或作詩九章每章用一錫字侂胄亦不辭稔積罪惡至於生事開邊而極先是有蒙古部興於北方在金世宗時已強盛稱帝至環立蒙古兵來輒長驅金始多事侂胄聞金有此釁謂中原可圖有吳曦者前蜀帥吳挺之子璘之孫也吳氏世職西陲威行

西蜀留其子孫於京蓋累朝遠慮職有異志久欲歸蜀而

不許侂胄遣歸數年蓋欲使西蜀出兵乘輿天子車駕乘去聲蒙古部元國

舊號後改號元西蜀舊本作四蜀非累上聲○開禧二年丙寅是歲元太祖始稱元年以

伐金詔告四方諸路進師曦首以關外四州獻金求封為

蜀主尋即稱帝賴李好義楊巨源與安丙密謀曦僭號踰

月而誅四川階成秦鳳○是歲元太祖即位於斡難河之源太祖

姓奇渥溫氏諱鐵木真蒙古部人也其先世為蒙古部長

至太祖之父曰也速該始併吞諸部落愈強大後追諡曰

烈祖神元皇帝初神元征塔塔兒部獲其部長鐵木真宜

懿后月倫適生太祖手握凝血如赤石神元異之因以所

獲鉄木真名之志武功也元年大會諸王群臣建九游白

宋伐

元太祖即位

金人連陷諸郡

南宋紀自兵興以來公私之力大屈而侂胄以

金人欲罪首謀乃復銳意出師中外憂懼然皆

畏侂胄莫敢言者彌遠入對因請誅侂胄以安

邦皇后楊氏素怨侂胄亦使皇子榮王具疏言

侂胄再營兵端將不利於社稷帝不許后從旁

力贊之帝始允可乃命后兄揚次山與彌遠共

圖之

旗即位群臣共上尊號曰成吉思皇帝時金章宗泰和六

年也長上○丁卯開禧三年元太祖時北伐諸軍所向無

不潰敗而退金人大發兵連陷蜀漢荆襄兩淮諸郡東南

大震亟遣使通謝於金而侂胄弄兵之意猶未已中外患

之遂有誅兇之議皇后楊氏知書史通古今當時侍即史

彌遠建密策而旨從中出者皆后實為之一日侂胄入朝

彌遠使殿帥夏震以兵邀之塗擁出玉津園推殺之○先

是元太祖征西夏拔力吉里塞而還至是秋再征之○戊

辰嘉定元年元太祖陳自強竄死蘇師且處斬周筠決配

侂胄函首謝金和議復成錢象祖為相史彌遠累遷與象

祖並相象祖罷彌遠獨相處音杵決配杖決徒配○宋監義曰廢人之讐釋記禮者猶可

標記增補十八史卷七

南宋寧宗開禧嘉定元年

補

按春秋莊公四年紀侯大去其國公羊傳曰大去者何滅也孰滅之齊滅之曷為不言齊滅之為襄公諱也春秋為賢者諱云云九世猶可以復讐乎雖百世可也

金章宗

堡博考切廣韻堡障小城也宋周密齊東野語曰當是時金虜實已衰弱初非阿骨打吳乞買之比丙寅之冬淮襄皆受兵

盡五世知有天下者乎齊襄復九世之讐春秋大之我宋之於金不共戴天天之讐也侂冑無謀浪戰固可罪矣然乃至於於國首乞和何也當時大學諸生詩曰龜錯既誅終叛漢於期已入竟凶燕此但以利害言耳未嘗以名義言也

○呂中曰和戎國家之不得已也然必有折其氣而後可以要其成真宗鑿與親征達覽授首是以前紹興之和嘉定之和彼欲得權幸之首則與之彼欲增歲幣之數則與之屈已而料犬羊巧詐寧無易我之心乎累上聲則○

金章宗璟在位二十年而殂無子立世宗之別子允濟於

璟為叔○己己嘉定二年元太祖春元太祖入河西屢破

西夏兵夏主李安全納女請和○庚午嘉定三年元太祖

金謀討元築烏沙堡太祖遣將襲殺其衆遂略地而東初

太祖貢歲幣于金金主使衛王允濟受貢于靜州太祖見

允濟不為禮允濟怒歸欲請兵攻之會金主璟殂允濟嗣

位有詔至國傳言當拜太祖問金使曰新君為誰曰衛王

金主

凡城守者皆不敵下次年遂不復勝出師其弱可知矣儻能稍自堅忍不患不和且禮秩歲幣皆可以致而當路者畏懦惟恐稍失其意乃聽其恐喝一切從之且吾自誅權嘉耳而函首以遺之是虜之縣鄙也何國之為惜哉云云有題詩於侍從宅曰自古和戎有大權未聞函首可安邊生靈肝腦空塗地祖父冤讐共戴天晁錯

也太祖還南唾曰我謂中原皇帝是天上人做此等亦為

之耶何以拜為即策馬去金使還言允濟益怒欲俟太祖

再入貢而害之太祖知之遂與金絕○辛未嘉定

四年春元太祖元太祖南侵敗金兵襲群牧監驅其馬而

還自是連歲攻取金州郡○癸酉嘉定六年元太祖金主

衛紹王允濟在位五年無歲不受兵幾不能支且失將士

心為大將所弒追廢為東海郡侯立豐王珣璟之兄也是

為宣宗太祖分兵三道並進取燕南山東河北五十餘郡

○甲戌嘉定七年元太祖元太祖駐蹕燕北金主以

岐國公主及童男女五百馬三千兼金帛以獻乞和雖見

許度不能自立於燕五月遷于汴留丞相完顏福興輔木

宋以黃忠

已誅終叛漢於廟堂自謂萬全策却恐防胡未必然
宋鑑以知楚州應絕之節制京東忠義軍純之見李全軍屢捷密聞于朝謂中原可復史彌遠整韓侂胄之事不期招納密救江淮制置使李玨及純之撫接之号忠義軍就聽純之節制

子守忠居燕太祖遣兵圍之守忠走泚後一年而燕京陷元兵自河東渡河而南距泚二十里而去金人自是地勢益蹙山東叛之東阻河西阻潼關而已欲窺宋川蜀淮漢以自廣遂敗盟來侵宋以黃榜募忠義人進討京東路忠義李全以歲戊寅率眾來歸全本連水縣弓手在開禧乙丑間已嘗應募焚其縣矣連水縣屬安東州○丁丑嘉定十年元太祖以木華黎為太師封國王率諸軍南征克大名府定益都淄萊等州木華黎亂刺兒氏居阿難水東為人勇毅多智畧猿臂善射挽弓二十石強與博○戊寅嘉定十一年元木華黎自西京入河東克太原平陽及忻代澤潞等州是歲伐西夏圍其王城夏主

初置

達魯花赤者蓋胡語也草木子曰元路州縣各立長官曰達魯花赤掌印信以總一府一縣之

拖湯何及音他

李遵項走西京○高麗王暎降于元請歲貢方物○己卯嘉定十二年元木華黎自西京入河東克太原平陽及忻代澤潞等州是歲伐西夏圍其王城夏主定十三年元木華黎徇地至真定又徇河北諸郡○壬午嘉定十五年元太子拖雷克西域諸城遂與太祖會秋金主復遣使請和太祖時在回鶻國謂之曰我向令汝主授我河朔地今汝主為河南王彼此罷兵汝主不從今木華黎已盡取之乃始來請耶遂不許使奉聲○癸未嘉定十六年元木華黎卒○五月元初置達魯花赤監治郡縣○金章宗珣在位十二年而殂子守緒立是為哀宗○甲申嘉定十七年元太祖元太祖至東印度駐鐵門關有一獸鹿形馬尾綠色

治判罪則用平
官在府則總管
在縣則縣尹達
魯柘赤猶華言
荷包上壓口捺
子也
宋書符瑞志角
端者日行萬八
千里又號甲齋
之語

而一角能作人言謂侍衛者曰汝主宜早還太祖以問耶

律楚抃曰此獸名角端能言四方語好生而惡殺此天降

符以告陛下願承天心宥此數國人命太祖即日班師恩

聲○自歲丁丑以後宋與金戰雖迭有勝敗然三邊無歲

不被其擾上在位三十年改元者四謙恭仁儉終始如一

然慶元嘉泰開禧凡十三年則侂冑之政嘉定十七年則

彌遠之政壽五十七而崩彌遠之策立嗣是為理宗皇帝

三邊東
北西

理宗皇帝初名與莒宗室追封榮王諡文恭希璵之子太

宗十世孫也寧宗子多而不育鞠宗室子名詢立為太子

薨初皇從弟沂靖惠王柄無子嘗以宗室子賜名貴和為

之後及失太子詢遂立貴和為皇子賜名竑封濟國公竑

慧而輕嘗疾史彌遠專權謂異日不可容彌遠聞而惡之

故陰為之計與莒幼不好弄群兒聚嬉輒獨登高坐不動

長上見者指以語群兒曰汝曹不效此人恰一大王相似

群兒每羅拜其下遂有趙大王之號彌遠物色得之嘗取

應得舉矣特旨補官竑既為寧宗子遂以與莒為沂王後

賜名貴誠除邵州防禦使寧宗大漸乃白中宮以貴誠為

皇子改名昀宣遺詔即位進竑濟陽郡王出判寧國府恭

聖仁烈揚后同聽政事定然後撤簾宗室是時理宗父已

文恭生名希璵從去聲柄音丙沂國靖惠諡柄名為之後

繼之也竑音橫濟上聲好去聲長音張上聲語去聲邵州

屬湖南今寶慶府中官揚后昀音 ○乙酉寶慶元年元本

○璵音盧

十時外議籍籍有謀作亂之詒者事不克皆死李全在楚

州與制置許國相失殺國亦以問罪為辭舉兵南向圍揚

州籍籍多也制置制置○丙戌寶慶二年元太祖二十一年

元太祖伐而夏取甘肅等州遂踰沙陀至黃河九渡○下

亥寶慶三年元太祖二十二年元滅夏以夏主李覲歸○七月元太

祖殂于六盤山臨殂謂左右曰金精兵在潼關南據連山

北限大河難以遽破莫若假道于宋宋金世讐必能許我

則下兵唐鄧直擣汴京汴急必徵兵潼關然以數萬之衆

千里赴援人馬疲弊雖至弗能戰破之必矣言訖而殂在

位二十二年壽六十六葬起輦谷至元二年冬追謚曰聖

武皇帝廟號太祖太祖深沉有大略用兵如神故能滅國

元太祖

元太祖如用神

綱自紹定元年
戊子春三月金
將完顏陳和尚
大敗蒙古兵于
大昌原陳和尚
為完顏合達前
鋒以四百騎大
敗蒙古八千之
衆士氣皆倍益
自有蒙古之難
二十年間始有
此捷奏功第一
名震國中其御
衆也有方所過
州邑秋毫無犯
每戰則先登陷
陳諸軍倚以為
重又四年四月
敗蒙古將速不
臺于倒回谷

元太祖

四十其勳績甚衆史之紀載不備惜哉○太祖既殂時皇

子窩闊台留霍博之地國事無所屬皇子拖雷監國以俟

皇太子至而立之越二年皇太子始立是為太宗屬音祝○

己丑紹定二年元太宗元年元太宗名窩闊台太祖第三子母

曰光獻皇后弘吉刺氏是歲夏奔喪至忽魯班雪不只之

地皇弟拖雷來見大會諸王百官以太祖遺詔即位始立

朝儀皇族尊屬皆就班見音現○元始置倉廩立驛傳

命○庚寅紹定三年元太宗二年元遣兵取京兆七月太宗自

將伐金皇弟拖雷姪蒙哥帥師從○辛卯紹定四年元太宗三年

春趙范趙葵大敗李全于揚州城下時屬上元張燈全

置酒高會于平山堂城中謀知夜遣兵出其不意劫之全

元始

走陷于濠為亂槍所斃其餘奔走北去○二月元太宗克鳳翔攻洛陽河中諸城下之五月元遣使來假道宋殺之

使去○八月元始立中書省改從官名為耶律楚材為中

書令耶律楚材字晉卿遼東丹王突欲子孫金尚書右

丞復之子也太祖有天下之志嘗訪遼宗室召楚材

謂之曰遼金世讐吾為汝報之矣楚材對曰臣祖父以

來嘗北面事之既為臣子豈敢復懷二心雙君父乎太祖

重其言命處左右以備訪問楚材博究群書天文地理律

歷術數釋老鑿無不知者夏人常八者以善造見

知於大祖因曰國家方用武耶律儒者何用楚材曰治見

尚須用弓而為天下者豈可不用治天下正邪太祖聞之

甚喜曰見親用嘗與西域人占月蝕西域人曰某夜月當

蝕楚材曰不蝕至其夜果不蝕楚材嘗言某夜月當蝕西

域人曰不蝕至其夜果然食太祖以楚材語粘合重山

宗曰此人天賜我家爾後軍國庶政當悉委之粘合重山

為左丞相粘合重山金源貴族也太宗以為左丞相凡建

魏不殺見粘封鎮海為右丞相○十二月元太宗取河中

按綱目紹定五年春正月金完顏合達移刺蒲

阿引軍接汴及蒙古拖雷戰于三峰大敗合達

乃與陳和尚等走入鈞州蒙古兵攻之城破令

避隱處殺畧稍定乃出自言姓名且曰我死亂

軍中人將謂我負國家今日明自灰蒙古兵欲

其降不肯乃斫足脛折之劃口呼至耳嘆血而

呼至死不屈

之報謝且議夾攻汴京元人許俟成功以河南地歸宋音

取禍不可不鑑帝不從詔嵩之報使許之嵩之乃遣鄒伸

復讎之舉獨趙范不喜曰宣和海上之盟厥初甚堅迄以

議夾攻伐金京湖制置使史嵩之以聞朝臣皆以為可遂

雷卒于師金王守緒突圍出走歸德府○元再使王檝來

許完

元大

十四年

金立以元

金

接 ○癸巳紹定六年元太宗五年金王奔歸德糧絕乃趨蔡州其將崔立以汴京降元四月元速不臺進至青城崔立以金太后王氏皇后徒單氏荆王從恪等至軍速不臺遣送北還○元以孔子五十世孫元楷襲封衍聖公整修孔子廟及渾天儀○宋丞相史彌遠卒鄭清之為相史嵩之為京湖制帥在襄陽南北有夾攻蔡州之約嵩之遣孟珙以兵四萬人先至圍其東南元兵圍其西北相○甲午端平元年元太宗六年正月金主守緒傳位於宗室子承麟宋孟珙入蔡州元師後之守緒自經死函其首送于宋獲承麟殺之金自完顏昷稱帝至是九世一百一十七年而亡○夏四月獻金條于太廟會淮帥趙范趙葵乘金人之凶為

趙范與師開蒙

恢復計朝臣多以為未可獨鄭清之力主其說帝乃命范移司黃州刻日進兵范參議官牛岳曰方興之敵新盟而退氣盛鋒銳寧肯捐所得以與人耶我師若往彼必突至非惟進退失據開釁致兵必自此始且千里長驅以爭空城得之當勤饋餉後必悔之范不聽史嵩之亦言荆襄方爾饑饉未可與師杜杲復陳出師之害范葵故荆湖制帥趙方之子習於兵銳意攻取募山東忠義皆響應伸之未回而宋師出矣伸之等幾被羈留於燕詭辭得與檝俱來檝曰何為而敗盟也自是淮漢之間無寧日矣不數日汴人以城附宋宋師入汴即趨洛元兵戍洛者無幾姑避去宋師入洛不數日糧絕聞元生兵且大至潰而歸各嵩之

主和不肯運糧致誤事○乙未端平二年元太宗十年春元城

和林作萬安宮遣諸主枝都太子貴由姪蒙哥征西域太

子闊端侵蜀漢太子曲出及胡士虎侵宋唐吉征高麗○

丙申端平三年元太宗八年元印造交鈔行之六月耶律楚材

請於燕京立編脩所於平陽立經籍所編集經史召儒生

梁陟充長官以王萬慶趙著副之秋闊端取宋關外數州

十月入成都取秦鞏等四十餘州○時和議既不復講蜀

遂破陷荆襄淮南無歲不受攻哨○元以耶律楚材言始

定天下賦稅上田每畝稅三升中田二升半下田二升水

田一畝五升商稅三十分之一五戶出絲一斤以給諸主

功臣湯沐之賜益每銀一兩四十斤永為定額朝臣皆謂

元立

元賦

字彙曰哨七肖切蓋去聲與款同吹箭以示警也今屯戍之所防盜之屢名曰哨亦此意也

通鑑

杜果

太輕耶律楚材曰將來必有以利進者則已為重矣○丁

酉嘉熙元年詔經筵進講朱熹通鑑綱目○八月元試諸

路儒士中選者除本貫議事官得四千三十人元兵略地

至黃州宋孟珙敗之中書○戊戌嘉熙二年元太宗十年先是

杜果却元人安豐之兵復破寨穿八十萬兵於廬州後解

儀真之圍以功權刑部尚書復進敷文閣學士○呂文德

總統兩淮出戰軍馬進淮西招撫使文德安豐人魁梧勇

悍微時鬻薪城中趙帥葵道傍見遺履長尺有咫驚訝訪

求得之留之麾下後以邊功至顯官使去聲音育賣也○

元塔思軍至北峽關宋將汪統制降先身曲出率張柔等

攻郢州拔之至是宋孟珙復取襄陽○元領中書行省揚

元建太極書院

河朔始知道學

惟中。建太極書院于燕京。延趙復為師。時濂溪周子之學未至於河朔。惟中用師于蜀湖京漢。得名士數十人。始知其道之粹。乃收集伊洛諸書。載送燕京。及師還。遂建太極書院。及周子祠。以二程張楊游朱。六子配食。由是河朔始知道學。揚惟中弘州人。年二十。奉太宗命使西域三十餘國。宣國威。布政條。俾皆籍戶。只屬吏。乃歸。惟中為憲宗。世世祖為太氣。鎮金蓮川。立河南道。經畧同於汴梁。奏惟中等為使。俾屯田。唐鄧喜穎諸州。金初滅。以劉福為河南道總管。福貪鄙殘酷。虐害遺民。二十餘年。惟中至。召之。聽約束。福不至。復使語之曰。汝不至。吾以軍法從事。福不得已。盛從衛。以見惟中。握大槌。擊之。數日。福死。河南大治。遷川。陝宜撫使。有郭千戶者。殺人之夫。而取其妻。惟中戮之。以徇關中肅然。趙復字仁甫。德安人。太宗時。太子曲出。侵宋。俾德安之民。姚樞奉詔。即軍中求儒。去復在。俾民中。樞與語。大奇之。復以親族俱殘。不欲北行。因與樞談。樞恐其自死。留與共宿。夜忽失。復樞遷馳尋呼之。見復。將授水。樞挽回。挾之。北歸。復乃錄其所記。程朱之書。以教。學者。乃北士能通。周程張朱之學。皆因復而得。然復竟不仕。

學者稱之曰 ○庚子。嘉熙四年。元太宗十二年春。元太子貴由克

西域。未下諸部。元敕州郡失盜不獲。以官物償之。國初多

盜。下令凡失盜去。處令本路民戶代償。民苦之。多亡命。至

是罷徵。又官民貸。回鶻金銀償之者。歲加倍。謂之羊羔利。

往往破家。至以妻子為質。終不能償。耶律楚材請悉以官

物代還。凡七萬六千錠。仍令凡假貸歲久。惟子本相侔。而

止著為令。貸音代。後人來物。也。又音特義同。 ○辛丑。淳祐元年。元太宗十三年宋

詔追封周敦頤。汝南伯張載。郿伯程顥。河南伯程頤。伊陽

伯朱熹。徽國公。並從祀孔子廟庭。黜王安石。從祀。帝謁孔

子。遂臨大學。○十一月。元太宗出獵。殂于鉞鐵。鑄胡蘭。年

五十六。葬起輦谷。後追謚曰英文皇帝。廟號太宗。太宗自

詔封七賢

元宗元
太祖
制

耶律
禁
律

宋鑑時乃馬真氏稱制與都刺合變專政楚材憤悒成疾而卒

寬弘之量。仁恕之心。量時度物。舉無過事。華夏殷富。庶民樂業。行旅不齎糧。時稱治平。元自太宗殂。後皇后乃馬真氏臨朝稱制。凡五年不立君。鉅鐵 鉅胡蘭 北方地名也。 鐸音孤 度音鐸 樂音洛○甲辰淳祐四年。先是鄭清之罷相。喬行簡、李宗勉等繼為政。無所決斷。上思史嵩之之言。自督府入為相。雖欲議和。輒為眾論所沮。嵩之丁父彌遠憂。聞訃數日。乃行詔起復。為相。言者目為權姦。力攻之。遂不復相。范鍾游侶。鄭清之謝方叔、吳潛、董槐、程元鳳、丁大全等相繼為相。每歲以防秋為常事。沮上聲 止也○元中書令耶律楚材卒。后嘗以儲嗣事問楚材。對曰。此非外臣所敢知。自有太宗遺詔在。守而行之。社稷之幸也。后嘗以御寶空紙付宰臣與都刺合變。

與事
不除
一害

親上疑脫謂宗

令自書填行之。楚材奏曰。天下者先帝之天下。朝廷自有憲章。今欲紊之。臣不敢奉詔。事遂止。復有旨。凡與都刺合變所奏准。令史不為之書者。斷其手。楚材曰。軍國之事先帝悉委老臣。令史何與焉。事若合理。自當奉行。如不可行。死且不避。况斷手乎。后以其先朝勛舊。曲加敬悼焉。楚材天資英邁。負出入表。雖案牘滿前。酬答不失其宜。正色立朝。不為勢屈。欲以身徇天下。每陳國家利病。生民休戚。辭色懇切。太宗嘗曰。汝又欲為百姓哭耶。楚材每言興一利。不若除一害。生一事。不若減一事。平居不妄言笑。及接士人。溫恭之容溢于外。莫不感其德焉。耶律楚材於太宗即位之初。為宰儀制。位親王。祭合。合曰。王雖兄位。則臣也。禮當拜。王拜。則莫敢不拜矣。即位之日。王率皇族及臣僚拜帳下。元朝尊屬有拜。

標記增補

卷七

南宋理宗

四十四

宋元通鑑云貴
由即位于江吉
滅禿里之地

禮自是始焚材條便宜十個事言郡宜置長史牧民萬戶
 統軍使勢均力事以遏驕橫凡政令便於民者甚衆太宗
 悉從之惟罷獻一事不允曰彼自願饋獻者具聽之焚材
 曰蠹害之端必由於此太宗曰凡卿所奏無不從者卿不
 能從朕力一事耶汴梁將下大將言金人抗拒必師多死傷
 城下請屠屠之焚材馳入奏曰得地無民將焉用之太宗猶
 豫未決焚材又曰奇巧之工厚藏之民皆萃於此若盡殺
 將無所獲太宗然之遂詔罪止完顏氏餘勿問時太宗議
 裂地賜親王功臣焚材曰裂土分民易生嫌隙不如多與
 以金帛太宗曰已許奈何焚材曰若朝廷直吏收其貢賦
 歲終頌之使無擅利徵可也後之及卒卡後有讚之者
 言其在相位久天下貢賦半入其家皇后命近臣覆之唯
 琴阮十餘及古今書畫金石遺文數千卷後封廣寧王謚
 文正二十子鉉錢音問亂之也與音預適音賈廉正及
 遠也○元便宜總帥汪世顯卒世顯善兵能將重儒愛民勤
 儉自持有古名將之風○丙午淳祐六年元憲宗元年元憲宗
 即位于速茂禿都定宗名貴由太宗長子也母曰六皇后
 乃馬真氏初太宗有旨以皇孫失烈門為嗣及殂后臨朝

余玠
入敗元

元憲
宗立

稱制者五年乃議立定宗○戊申淳祐八年元憲宗三年元憲
 宗尸位三年而殂壽四十三葬起輦谷追謚簡平皇帝○
 元自馬真氏臨朝以來法制不一內外離心定宗既殂皇
 后海迷失抱子失烈門垂簾聽政諸王大臣不服共議立
 太弟蒙哥後二年是為憲宗即位○辛亥淳祐十一年元憲宗元年
 元憲宗名蒙哥太祖第四子拖雷之長子先是諸大
 臣欲奉屈出之子失烈門久而不決至是元良哈歹以太
 祖諸孫惟憲宗謙慎宜立遂大會于闊帖兀阿蘭之地而
 即位焉失烈門不服憲宗因察諸王有異同者並羈縻之
 取主謀者誅夷之由是始定長十○余玠大敗元人于興
 元○元憲宗命太弟忽必烈總治蒙古漢地民戶事開府

使經堂澤史元
昇為趙天以

于金蓮川先是姚樞隱居蕪門以道自任太弟召之樞至見太弟聰明才不世出虛已受言將大有為乃盡其平日所學為書數千言上之首以二帝三主為學之本為治之序與治國平天下之大經彙為八目曰脩身力學尊賢親親畏天愛民好善遠佞次及時政之弊為條三十本末兼該細大不遺太弟太奇其才動必見詢遠去聲姚樞字公陽自少力學及得程朱之書益知自勵世祖為蕃王召置之王府庶數陳時務必以帝王之道為言世祖征大理樞從行因中途夜宴樞言宋太祖命曹彬取南唐不殺一人一市不易肆明日世祖據鞍呼曰汝昨言曹彬不殺一人吾能為之樞馬上賀曰聖人之心仁明若此生民之幸有國之福也至大理城命樞裂帛為旗畫牛殺之令民賴以安樞之力○元以史天澤趙璧為河南經略使使去聲史天澤尺音如洪鐘勇力善射兄天倪為真定帥而死天澤繼其職太宗以天澤為真定河間大名東平濟南五路萬戶攻

補周堉為義成節度使辟韋澳為判官及為相謂澳曰何以相助澳曰願相公無權堉愕然澳曰官賞刑罰與天下共其可否

汴梁歸德蔡州多戰功世祖即位召問治道昇疏以對言立省部以正紀綱設監司以督諸郡濡恩澤以安反側退貪殘以任賢能頒俸祿以養廉禁賄賂以防奸二年拜中書右丞相所言皆次第行之三年李壇叛據濟南遣親王哈必赤討之繼命天澤往聞壇入濟南笑曰承突入豈無能為也言於王曰兵不宜力角賞以歲月斃之乃深溝高壘絕其奔軼歷四月城中食盡潰降生擒壇斬之或謂壇之變由諸侯權重天澤遂奏請自臣家始於是史氏子弟鮮兵符者十七人至元十一年詔天澤與伯顏總大軍侵宋天澤至郢以疾還襄陽帝勅尚璽能視天澤附奏曰臣木限有終死不足惜願天兵渡海慎勿殺掠語不及他以十二年二月卒年七十四謚忠武後贈大帥封鎮陽王天澤平居未嘗自矜其能及臨大節論大事毅然以天下之事自任年至甲午始折節讀書尤熟資治通鑑立論出入意表拜相之日門庭悄然或勸以權自張天澤誦唐韋澳之語曰願相公無權爵祿刑賞天子之柄何以權為言者慙服出入將相五十餘年上不疑而下無怨人○壬子淳祐十二年元憲宗元定宗后及失烈門母以厭禳事覺並賜死謫失烈門及其黨於沒脫赤之地○六月元憲宗

南宋理宗

勿以己之愛憎
喜怒移之天下
自理何權之有
擇深然之見綱
目唐宣宗大中
二年

卒余珩

余珩
誣奏
王惟
慮

以中州漢地封同姓太弟於汴京關中自擇其一姚樞曰
南京河役無常土薄水淺瀉鹵生之不若關中厥田上上
古名天府陸海太弟遂請關中由是太弟有關中河南之
地瀉鹵音昔○癸丑寶祐元年元憲宗三年四川制置使余珩
卒以余珩為四川宣諭使○元太弟忽必烈平大理國○
甲寅寶祐二年元憲宗四年時余珩宣撫四川以私恨評奏利
路安撫王惟忠潛通北境大理陳大方承旨鍛成之惟忠
將斬於市色不變謂大方曰吾死誰於天既斬血逆流而
上未幾大方入朝恍惚與惟忠還遂卒先是朝廷用彭大
雅理蜀甚有威名重築重慶城余珩遷蜀郡平曠之地分
治險要如合州治釣魚山之類在蜀二十年民藉以安至

胡頴
胡頴
祠

元建
平開

余珩貪繆因功敗失要地以和州守劉雄飛為四川制置
利路利路乃今順元州之廣元府鍛成大理卿陳大方承
順余珩意鍛鍊以成其獄將音殺上上聲綫如字重平
聲下同重慶府屬川南即恭州治平聲胡頴每見淫祠即
毀之人謂之胡打鬼經畧廣東廣有僧寺佛像中有巨蛇
時出享人祭祀僧托之題疏得數千緡頴至毀佛擊蛇其
怪遂息淫祠不載祀典曰淫祠
經畧為廣東經畧使○丙辰寶祐四年元憲宗六年
高麗主細嗟甫雲南酋長摩合羅嗟及素州諸國朝于元
○元憲宗欲建城市為都會之所太弟忽必烈言劉秉忠
精於天文地理之術乃命相宅秉忠以桓州東灤水北之
龍岡為吉乃命秉忠營之名曰開平府三年而畢功相去
聲灤
○丁巳寶祐五年元憲宗七年元回鶻獻水精盆珍珠傘可

直銀三萬餘錠。憲宗曰：方今百姓疲弊，所急者錢耳。朕獨有此何用却之？○十月，元元良哈夕伐安南，屠其城。○戊

午，寶祐六年。元憲宗八年二月，安南王傳國於長子光昂。遣使以方物獻于元。葛音丙○元討回回哈里發，平之。九月，憲

宗親帥大軍入蜀，攻苦竹隘，宋守將楊立、張實死之。是時元入，勢欲順流東下。一軍自大理國幹服南來，歷邕桂之

境，以至潭州。一軍渡江圍鄂州。○罷丁大全，以吳潛為左相，即軍中拜賈似道為右相。趙葵、樞密策應使杜庶兩淮

制置夏貴總領舟師呂文德等乘風戰勝，潛以向士璧守潭。適南來二哥元帥遇求候騎而死。潭圍先解，高遠等守

鄂，似道駐漢陽為鄂援。○己未，開慶元年。元憲宗九年元憲宗

元憲宗

○易音亦

圍合州，遣使招諭守將王堅，堅殺使者固守拒之。○七月

元憲宗殂於釣魚山，在位九年，壽五十二。後追謚曰桓肅皇帝。憲宗剛明雄毅，沈斷寡言，不樂宴飲，不好侈靡。雖后

妃亦不過制。太宗末年，群臣擅權，政出多門。至憲宗，凡詔旨必親起草，更易數四，然後行之。御群臣甚嚴，嘗諭曰：汝

輩若得朕獎諭，即志氣驕逸，災禍未有不隨至者。汝輩其戒之時，太弟進攻鄂州，宋守將張堅守不下，遂死之。樂音洛好

去聲更音○似道自漢陽至鄂，督師而太弟忽必烈攻城，益急，城中死傷者至萬三千人。似道大懼，密遣宋京詣元

營，請稱臣納幣。太弟不許，會合州守王堅遣人走鄂，以憲宗計聞于似道。似道再遣宋京往，元營太弟亦聞阿里不

和許

郝音鑿

元世祖即位

哥欲襲尊號郝經曰若彼果稱遣詔便正位號下詔中原
 行赦江上欲歸得手願大王以社稷為念班師議和置輜
 重率輕騎而歸直造天都遣二軍逆大行靈泉收皇帝玺
 遣使召旭烈阿里不哥諸王會棧和林差官諸路安輯命
 王長子真金鎮守燕都示以形勢則大寶有歸而社稷安
 矣太弟然之乃許似道和且約歲幣之數遂拔寨而去留
 張傑關旺以偏師候湖南兀良哈歹之兵造去聲解音
 康申景定元年元世祖皇帝中統元年元世祖名忽必烈憲宗同母
 弟也憲宗既歿阿藍答兒渾都海等謀立世祖弟阿里不
 哥憲宗后聞之遣使馳至鄂請速還春三月至開平諸王
 大臣同勸進三讓乃即位○元兀良哈歹會張傑于鄂州

賈似道和議稱幣之事

示遣郝經求盟

帥師北還宋賈似道命夏貴敗其後軍于新生磯遂匿其
 議和稱臣納幣之事上表言鄂圍始解江面肅清宗社危
 而復安實萬世無疆之休帝以似道有再造功下詔褒美
 賞賚甚厚磯音基○元阿里不哥僭號于和林城曲○五月
 十九日元建元中統○進中統交鈔○元世祖自將討阿
 里不哥○元廉希憲大敗西軍于姑臧斬阿藍答兒及渾
 都海○元以梵僧八合思八為國師○元遣郝經來尋盟
 且徵前日請和之議賈似道既還朝使其客廖營中撰福
 華編稱頌鄂功朝廷不知其求和也朝音○元世祖既立
 廉希憲請遣使以息兵講好命軍北歸俾恩威並著世祖
 善之而未得其人王文統素忌郝經才德乃遣經行或謂

賈似道 留經 于真 州忠 營軍

經曰。蓋以疾辭。經曰。自南北構難。江淮遺黎弱者被俘。畧壯者死。原野兵連禍結。斯亦久矣。聖上一視同仁。務通兩國之好。雖以微軀。蹈不測之淵。苟能弭兵靖亂。活百萬生靈於鋒鏑之下。吾學為有用矣。遂行。王文統陰諷李壇。侵宋。以沮撓之。欲假手以害經。經踰淮。賈似道懼。奏露。遂以李壇為辭。拘留經于真州之忠勇軍營。驛吏防守嚴。於獄。犴介佐或不能堪。經語之曰。將命至此。死生進退。聽其在彼。守節不屈。盡其在我。豈能不忠不義。以辱中州士大夫乎。但公等不幸。須忍死以待。揆之天時人事。宋祚殆。不遠矣。眾感其言。皆自振勵。

其先潞州人。後從順天。世祖即位。經為翰林侍讀學士。使宋。告即位。賈似道以為有却敵功。諱言納歲幣。恐謀泄。

音的。沮。上聲。撓。音鬧。平聲。音岸。語。去聲。郝。經。字仲常。

犴與軒同。獄也。

賈似道 寧閣

按謝枋得。嚮者以趙葵。檄給錢粟於其軍。兼募民兵。援趙軍。今似道責趙葵。徵償。葵不能償。故枋得曰。不可以累趙宣撫也。因自償萬緡。且上書。以請免徵餘者也。

乃鎮經于真州。經上書于宋帝及其大臣。且請入見。皆不報。驛吏棘垣鑰戶。從人怒而鬪死者數人。居七年。後經別。鐘與後者六人。又居九年。伯顏南侵。宋懼。以禮送經歸。似道之謀泄。亦寤死。經歸。世祖錫宴。木庭自副使劉仁傑。以下。賞賚有差。秋七月卒。年五十三。為人尚氣節。為學思致。用及被留。撰續漢書。易春秋。外傳。文集數百卷。其文豐蔚。豪宕。善議論。詩多奇崛。拘宋十六年。後者亦皆通於學。書佐苟宗道。後官至國子祭酒。經子來麟。官至廉訪使。帝聞有北使。謂宰執曰。北朝使來。事躰當議。似道奏和。出彼謀。豈容一切輕徇。倘以交鄰國之道。來當令入見。賈似道忌害。聞臣兵退。行打筭費用法。欲以此汚之。向士璧趙葵。史岩之杜庶等。皆坐侵盜掩匿。罷官徵償。而士璧所償尤多。竟安置而死。復拘其妻妾而徵之。猶不能足。信州謝枋。得以趙葵檄給錢粟募民兵守禦。枋得曰。不可以累趙宣撫也。自償萬緡。餘不能辦。乃上書似道。有云。千金而募彼。

二卯棄于城十一金徒木見首卷

木將取信於市人二卯而棄于城豈可聞於隣國遂得免

徵餘者使音現○呂文德制置荊湖知鄂州○辛酉景定

二年元世宗中瀘州守劉整叛降于元先是止遷蹕之議

者吳潛盡守城之力者向士璧奏斷橋之功者曹世雄劉

整既而似道妬功譖士璧世雄皆敗死整已懼禍而蜀帥

鄭興復以宿憾遣吏至瀘打箠軍前錢糧適北軍壓境遂

叛去瀘州屬川南止遷蹕○元命軍中所俘儒士聽贖為民

七月元初立翰林國史院○立諸路提舉學校官○元諸

將敗西軍阿里不哥北遁○元封皇子真金為燕王領中

書省事○壬戌景定三年元世祖中呂文德復瀘州○元

江淮大都督李壇以京東漣海來歸詔封壇為齊郡王復

劉整

初董宋臣請遷都何子舉與吳潛朱龜孫言其不可不果行又劉整計攻瀘元人所作新生礮向士璧守潭見寶祐八年

李壇

其父全官爵○元宰臣王文統坐與壇通謀伏誅○元史

天澤圍李壇于濟南壇復降于元元人誅之○元以董文

炳為山東路經畧使使去○元立十路宣慰司立諸路轉

運司○癸亥景定四年元世祖中二月元以王德素為使

劉公諒為副致書來詰其脅留郝經之故○三月元初建

太廟五月初立樞密院以太子燕王真金守中書令兼判

樞密院事以開平府為上都元以姚樞為中書左丞樞曰

陛下於基業為守成於治道為創始正且睦親族以固本

建儲副以重祚定大臣以當國開經筵以格心修邊備以

防虞蓄糧餉以待歛立學校以育才勸農桑以厚生世祖

納之○呂文德復瀘州文德號黑灰團劉整獻言於元曰

元立太子姚樞

崇儒

共濟曰理宗在位方以崇尚道學為事務虛名而茂實政當是時為監司守令者豈無學道學之流乎要之皆趣時好名之士非真有志於居敬窮理以濟入利物者也

賈似道

來終始崇獎周程張氏及朱張呂氏諸儒義理之學故廟號理宗太子立是為度宗皇帝初元初年也從去聲慶曆仁宗年号元祐哲宗年号

周濂溪先生程明道伊川張橫渠先生朱晦菴先生張南軒先生呂東萊先生

度宗皇帝初名孟啓福王與芮之子理宗之猶子也理宗子多而不育鞠孟啓於宮中改名孜又改名禔立為皇子封忠王已而建儲改名昀歲甲子即位時則蒙古部國號大元紀元至元之初也賈似道專政進平章軍國重事魏國公立相以自副啓音啓猶子姪曰猶子禔音基昀音旋臨安府士人葉李蕭規等上書諷似道專權害民誤國似道怒以他事罪竄遠州上書之上上聲詔馬廷鸞留夢炎兼侍讀李伯玉陳宗禮范東叟兼侍講何基徐幾兼崇政殿說書何基金華人號北山謚文

元以安童為丞相伯顏

淳元年元以安童為右丞相伯顏為左丞相以劉秉忠為太保參中書省事安童本華黎甲世孫年方十三位在百僚上阿里不哥之黨千餘人欲置之死

安童侍側曰人各為其主陛下甫定大難而以私憾殺之何以懷服未降世祖驚曰卿年少何從得老成語由是深重之至元二年為右相是年冬召許衡至令入省議事衡以疾辭安童即親候之於其館與語良久世祖嘗諭衡曰安童尚幼未更事善導之衡對曰安童聰敏且有執事告以古人所言悉能領解臣不敢不盡心也難去聲伯顏蒙

古八隣部人初從宗王旭烈兀開西域遣人奏事世祖親之曰非諸侯王臣也其留事朕謀事出廷臣乃以安童弟妻之拜左丞改右丞劉秉忠字仲晦少從釋氏家於邢州世祖為王時從寺主海雲觀應對稱旨遂留侍左右秉忠書無不讀尤深於易及邵氏經世書天文地理律曆以至眾伎多通之嘗上書數千言皆開國要務世祖即位多施行之凡征伐以從行秉忠在世祖左右不改舊服翰林承旨手鸚鵡奏言秉忠參帷幄密謀定社稷木計聖明御極萬物惟新而秉忠猶仍舊服且正其衣冠崇以顯秩世祖即日拜光祿大夫位太保仍詔以學士竇默女妻之

西宗已曾甫

八思巴

南宋度宗咸淳元年

五十一

似道
權傾
人主

似道
粉飾
太平

受孔子
戒

詩經卷之十一

五十五

按希憲之對其
意固善然其日

之詰問誣以佗事賜死自是無敢以邊事言者○似道權
傾人主諛者動以周公輔成王擬之親王外戚宦官近習
皆箝制不敢恣當世望士亦引用登朝為儀羽而服心不
在焉在外監司郡守亦參用廉介非其人而得進者各有
蹊徑最以吝賞誅貨失將帥心劉整降北獻策取東南謂
緩取則經營自蜀而下急則由襄淮直進時諸將北降知
國虛實者相繼似道方以粉飾太平為事畧不為意諛音
余箱
音檢平聲望士有名望者儀羽儀表羽翼監司提刑安撫
轉運提舉宋四監司吝賞誅貨如打算費用之類吝鄙吝
也謂下應賞其功而慳吝不賞誅貨謂誅求財貨粉飾太平
言天下大亂而文飾以為太平如女子本無顏色而強以
脂粉飾之也○元平章政事廉希憲罷世祖嘗令受帝師戒希
憲對曰臣已受孔子戒世祖曰汝孔子亦有戒耶對曰為

則不當忠孝二
字宜謂行不宜
謂戒如論語非
禮勿視聽言動
之類有可稱戒
之義

許衡
為學
士
元號大國

西元

臣當忠為子當孝是也有方士請鍊木丹敕中書給其所
需希憲奏曰前世人主多為方士誑惑堯舜得壽不假靈
于木丹也世祖善之以許衡為中書左丞時阿合馬專權
無上靈國害民嘗欲以其子典兵柄衡曰國家事權兵民
財三者而已父位尚書省典民典財而子又典兵太重世
祖曰卿慮阿合馬反耶衡對曰此反道也古者姦邪未有
不由此者世祖以衡語語阿合馬阿合馬由是怨衡音
姦語
阿之語
去聲 ○辛未咸淳七年元世祖至
元八年元劉秉忠許衡進所
定朝儀○立司農司以張文謙為司農卿○教水軍十萬
造戰艦五千築環城以逼襄陽○以許衡為集賢大學士
國子祭酒○十月建國號大元詔曰誕膺景命奄四海以

南宋度宗

易乾象曰大哉乾元萬物資始乃統天雲行雨施品物流形大

宅尊必有美名。紹百王而紀統。肇從隆古。匪獨我家。且唐之為言。湯也。堯以之而著稱。虞之為言。樂也。舜因之而作號。馴致禹興。而湯造。夏名。夏大。以殷中世降。以還。事殊非古。雖乘時而有國。不以義而制稱。為秦為漢者。蓋從初起之地名。曰隋。曰唐者。又即始封之爵邑。是皆徇百姓見聞之狃習。要一時經制之權宜。際以至公。得無少貶我太祖聖武皇帝。握乾符而起朔土。以神武而膺帝圖。四振大聲。大恢土宇。輿圖之廣。歷古所無。頃者者宿詰廷。奏章伸請。謂既成於大業。宜早定於鴻名。在古制以當然。於朕心乎。何有可建國號。曰大元。蓋取易經乾元之義。茲大治流形於庶品。孰名資始之功。予一人底寧。為萬邦允切。躋仁之

明終始。六位時成。時乘六龍。以御天。乾道變化。各正性命。保合大和。乃利貞。首出庶物。萬國咸寧。
周書大誥。予造天役。遺大投艱于朕身。

南宋紀時。襄陽久困。孤城援絕。南望慟哭。而後下告急于朝。似道不督列國赴援。又曰。樊城既陷。阿木益兵攻襄。文煥力不能支。會元三降詔諭。

要事從因。草道協天人。於戲稱義而名固。匪為之溢美乎。休惟永尚。不負於投艱嘉與。敷天共隆。大號咨爾有衆。體予至懷。後太保劉秉忠之議也。
○壬申。咸淳八年。元世祖至。葉夢鼎再相。以與似道意不合。去。○襄陽陷。先是理宗初年。襄陽以制臣失撫。御致王昺作亂。而陷。謝方叔作相。喻李曾伯遣將取之。北方亦不苦爭。及劉整策行重兵圍襄陽。呂文煥守城六年。扞禦備至。而似道不肯調援。雖糧食未乏。衣裝薪芻無所措辦。至撒廬舍為薪。緝關楮為衣。援兵不至。遂以城降。為元人之用。制臣如制。置使之類。調遣援兵。關楮。關會之紙也。並同為元。○賈似道累章出督。而陰諷朝廷留之。卒不行。

南宋紀時。襄陽久困。孤城援絕。南望慟哭。而後下告急于朝。似道不督列國赴援。又曰。樊城既陷。阿木益兵攻襄。文煥力不能支。會元三降詔諭。

文天祥

文煥曰尔等拒守孤城于今五年宜力尔主其且也然勢窮援絕其如數萬生靈何文煥乃降

平地產

元併尚書省封皇子忙哥刺為安西王○直學士院文天祥致仕初賈似道稱疾乞致仕以為要君似道諷張立志劾罷之天祥遂引錢若水例乞致仕時年三十七矣要平○癸酉咸淳九年元世祖至元十年平地產白毛如銀線菜臨安尤多元侵樊城守將張漢英及都統制范夫順牛富死之○元國子祭酒許衡乞罷許之衡居家勤儉強於自治公愛兼盡不嚴而整閭門之內若朝廷然夫婦相待如賓凡喪葬一遵古制不用佛老懷孟之間化之旁舍有僧德公者年百餘歲嘗謂其徒曰老僧苦行百年亦不能作佛徒為不孝之人羞見祖宗于地下但願小僧輩還俗以壽汝祖宗之嗣自是不復度弟子蓋化之

顯古顯字

劉秉忠

也○甲戌咸淳十年元世祖十一年賈似道丁母憂隨起復復音伏○陳宜中僉書樞密院○七月上崩在位十年改元咸淳壽三十五似道立皇子顯年四歲是為孝恭懿聖皇帝顯音顯

孝恭懿聖皇帝名顯皇后全氏出也太皇太后謝氏臨朝

稱詔改元德祐○封兄建國公是為吉王弟永國公是為

信主是音是○元太保劉秉忠卒秉忠以天下為己任知

無不言言無不聽其薦人才各稱器使城開平城燕都皆

秉忠相其地至是無疾端坐而卒世祖聞驚悼謂群臣曰

秉忠事朕三十餘年小心慎密其陰陽術數之精唯朕知

之至是八年秋八月劉秉忠贈大傅封趙國公謚文貞秉忠自幼好學至老不衰位極人臣而齋居蔬食無異平

秉忠

秉忠

元命 史天澤 伯顏

史天澤

伯顏 大會 兵

補松苗曰。史天澤行狀。詳見前。淳祐十一年。元以史天澤趙壁。為河南經界使。下注中。此注重出宜刪。

昔自號藏春散人。有詩文十卷。元命。中書平章史天澤。中無子。以弟秉志子蘭璋為後。

書左丞相伯顏帥諸軍南侵。陛辭。世祖諭之曰。古之善取

江南者。唯曹彬一人。汝能不殺。是吾曹彬也。天澤有疾而

還。尋卒。先是。世祖遣盩駘視天澤。附奏曰。臣大限有終。死

不足惜。第願天兵渡江。以殺掠為戒。言訖而卒。天澤忠亮。

有大節。出入將相近五十年。柱石四朝。師表百辟。可謂社

稷之臣。其視富貴權勢。歛迹退避。若將流之者。故能善始

令終。為開國元臣。天澤平居未嘗自矜其能及臨大節論

始折節讀書尤熟資洽通鑿其立論出人意表出入將相

○元伯顏丞相大會兵于襄樊。九月。以降人劉整領騎兵

出淮泗。呂文煥領舟師出襄陽。爭先向導。水陸並進攻沙

市新城。都統邊居誼帥所部三千人。力戰死之。策應使夏

貴力戰。元兵出其不意。兵敗。沿西南岸縱火。歸廬州。宜撫

朱撰孫提重兵。不戰歸江陵。沙市新城沙市鎮在江陵城外十里帥音率撰音祀

鄂州降。○天目山崩。臨安山。○詔天下勤王。○乙亥。德祐元

年。元世祖至元十一年。元伯顏留阿里海牙。以兵四萬守鄂。而與阿

朮率大軍渡江。順流東下。時汭江諸將多呂氏部曲。望風

降附。○江州降。運使錢真孫自縊。○劉整自愧。出淮無功。

憤死。無為軍城下。無為軍屬淮西。○似道都督軍馬。遷延不出。聞

兵已下建康。始率諸軍發行。在迂道而行。數日始達蕪湖。

將趨安慶府。牽制下流之師。未至三日。安慶帥范文虎乃

呂氏婿。已降。將士無復固志。似道許渴轉官資。諸軍詭曰。

似道 督軍 不出

憤死

王 下 勤 天

天目 山崩

南宋紀初勤王。詔至。諸天祥。捧之涕泣。乃發郡中。豪傑并結溪洞。山蠻有眾萬。人遂不衛其友。止之曰。今敵兵三道。鼓行破郊。

示 已 伯 甫 十 八 史 畧 卷 廿 一 南 宋 宋 恭 德 祐 元 年 五 十 八

文天祥

趙鼎

趙鼎

似道

似道

幾薄內地君以... 何異驅群羊而... 搏猛虎未祥曰... 國家養育臣庶... 三百餘年一旦... 有急徵天下兵... 無一人一騎赴... 者吾深恨之故... 不自量欲以身... 狗國天下忠臣... 義士將有聞風... 而起者義勝者... 謀立人衆者力... 濟如此則社稷... 猶可保也... 又曰樂入之樂... 者憂入之憂食... 人之食者死入... 之事聞者感動

要官資做甚己未庚申官資何在似道不能答鳴鑼一聲
退兵于珠金砂十三萬衆一時潰散似道奔入揚州蕪湖縣屬
太平將趙將音漿安慶府屬淮西節制州未至三日似道去
至三日之前官資陞轉官品己未庚申蒙哥侵伐之時亦
許官資竟無其實 ○江西提刑文天祥募兵勤王天祥吉州廬陵
人也丙辰魁進士第 ○殿帥韓震謀劫遷都陳宜中以計
誅之 ○池州破通守趙昂諫將死與其妻訣妻曰卿能為
忠臣妾顧不能為忠臣妻耶昂諫喜具衣冠與俱明日
伯顏入城見而憐之具衣棺葬焉池州屬江 ○建康破趙
淮死之趙淮 ○京師戒嚴朝臣接踵宵遁戒嚴防 ○王爚
陳宜中等劾似道不忠不孝之罪宜中本受賈恩至是亟
劾賈以自解爚音 ○似道赴貶鄭虎臣以父仇監押至漳

張世傑

張世傑

張世傑

張世傑

張世傑

張世傑

張世傑

按虎臣父嘗為... 似道所配... 谷子感切姓也... 補德祐元年十... 二月遣工部侍... 郎抑岳如元軍... 請平伯顏不許... 曰汝國執戮我... 行人故與師錢... 氏納土李氏出... 降皆汝國之法... 也汝國得天下... 於小兒亦失於... 小兒其道如此... 尚何多言

州即厠上拉其胸殺之父仇似道與 ○張世傑以兵入衛
元兵在境陳宜中等惟攻擊賈黨略無備禦之策司馬夢
求監江陵沙市鎮力戰死徵諸帥入衛夏貴舂萬壽黃萬
石等不至夢求溫公五世 ○六月庚申朔日蝕晦冥鷄栖
于埭咫尺不辨人物自己至午明始復蝕音食日月虎日
復音 ○留夢炎相 ○文天祥將民兵峒丁二萬餘人入衛
與夢炎意不相樂以尚書除江浙制置守吳門峒音洞溪
吳門郡名即平江府以尚書之官
而除為江浙之制置守吳門 ○州郡連降元兵距臨
安百里獨松關告急時張世傑軍五萬諸路勤王兵四十
餘萬天祥與世傑議兩軍堅守閩廣全城王師血戰萬一
得捷猶可為也世傑大喜議出師軍中以王師務持重降

詳等天

按字彙創古外切音臚斷也又按五雜俎曰論文臚細切肉也今人以殺人者為創子手創亦斷切之義與臚同也
畢夷益反同視也

天祥 出使 不屈 元兵 入臨

詔沮之遣使乞和獨松關在吳江縣○詔天祥等罷兵○潭州陷時一軍自湖南圍潭州守臣李芾戰守屢捷經八九月城將陷闔門死之將音漿李芾號肯堂守潭竭九備禦凡八正月城破芾命積薪樓下携家人登樓大宴積金銀於兩畔酒半酣令創子將金銀去却令取乃來芾令從頭殺到尾殺我闔門皆死創子遂四面放火自剗其腹而死創子名沈惠亦可謂烈丈夫者矣○丙子德祐二年元世祖至元十三年正月秀王與畢奉皇兄益王昀皇弟廣王昀等航海航海難○世傑去朝○元兵駐高亭山去都城三十里○冑中夜遁○文天祥右丞相辭不拜除天祥為右相而辭○賈餘慶吳堅相○天祥出使軍前辭氣慷慨議論不屈伯顏留之○元兵入臨安賈餘慶等奉三宮以隆手詔諭諸路內附三宮理宗后謝氏度宗后全氏與少帝○伯顏遣宰執先赴大

三宮 北遷

三宮上脫取都城軍器及傳國璽一節

宋帝 至上都 封瀛國公

端宗 即位

都天祥亦登舟北行至鎮江得間逸去天都至元九年改中都曰大都逸去而逃逸○三宮北遷官室駙馬官人內侍大學等數千人皆在遣中過真州守苗再成奪駕幾遂不克駙馬天子婿苗再成守苗苗姓再成名幾音機○五月宋帝至上都降封瀛國公帝在位二年改元者一曰德祐上都存燕京北个百里即開平府中統五年如號曰上都○益王廣主由海道至温州蘓劉義陸秀夫來會陳宜中張世傑海舟亦至福州宣謝太后手詔以二王為天下都副元帥召諸路忠義五月朔陳宜中陸秀夫張世傑等共立益王昀為帝即位于福州昀為端宗皇帝温州屬浙東元帥廣王都元帥益王副元帥

端宗皇帝名昀孝恭懿聖皇帝兄也即位改元景炎遙上

天祥開南劍汀州

猖獗音昌决

帝尊號為孝恭懿聖皇帝。太皇太后為壽和聖福至仁太
 皇太后。皇太后為仁安皇太后。尊度宗淑妃楊氏為皇太
 后。同聽政。是字 ○封廣王昺為衛王。陳宜中左丞相。張
 世傑少保。○文天祥至。除右丞相。以與宜中世傑異意。不
 肯拜。○九月。天祥開督南劍州。募兵得數千。遂復邵武軍。
 冬十月。天祥帥師次于汀州。興化軍通判張日中等來會。
 時贛寇猖獗。血江閩廣之路。日中等聞天祥開督。勤王。遂
 各起兵來應。天祥遣趙時賞。張日中。趙孟傑。將一軍趨贛。
 以取寧都。遣吳浚。將一軍取雩都。劉洙。蕭明哲。陳子敬。皆
 自江西起兵來會。張日中。建昌軍南城人。橫渠先生十三世孫。音于。 ○鄒鳳與元
 人戰于寧都。敗績。武崗教授羅開禮起兵復永豐縣。亦死。

宜中世傑奉帝航海

廉希憲卒

天祥為製服哭焉。○十一月。元阿剌罕董文炳入建寧府。
 遂侵福州。宜中世傑奉帝及衛王楊太后等航海由潮州
 至廣州。趨富陽。遷謝女峽。○丁丑。景炎二年。元世祖至平元十四年阿
 剌罕入汀州。文天祥奔漳州。謀入衛道。阻不通。往來江廣
 間。戰有勝負。○吳浚降于元。因趨漳。說天祥降。天祥責以
 大義。誅之。○三月。文天祥復梅州。○四月。天祥復興國縣。
 ○五月。張世傑復潮州。○天祥自梅州出江西。遂復會昌
 縣。與趙時賞。張日中之兵皆會之。○元中書政事廉希憲
 卒。希憲在江陵。遠近向化。及有疾。召還。民皆垂涕擁送。建
 祠繪像以祠之。卒。世祖歎曰。無復有決大事如廉希憲者
 矣。伯顏亦曰。廉公宰相中真宰相。男子中真男子。世以為

西京四留節一八八

天祥人敗于零都

李恒祥

名言○六月天祥敗元人于零都遂次于興國縣秋七月使張日中趙時賞等帥師復吉贛諸縣遂圍贛州○張世傑回師由潮州圍泉州不克○帝舟遷于潮州之淺灣○元李恒遣兵援贛而自將襲天祥于興國天祥不意恒猝至乃引兵走即鄒鳳于永豐瀉兵先潰恒窮追天祥天祥至方右嶺恒及之輩信拒戰箭被射而死天祥至空院恒又及之張日中奮力戰元兵少却恒麾鐵騎橫擊之日中身被十餘創猶手刃十餘騎而死兵盡潰天祥妻歐陽氏男佛生環生及二女皆見執趙時賞坐肩輿後元人問為誰時賞曰我姓文眾以為天祥禽之天祥由是得挺身與其長子道生及杜濟鄒鳳乘騎逸去遂奔循州散兵頗集

挺。並拔也。

猝。蒼沒切。倉遽也。

天祥家送于燕

帝崩

補。輿俗作輿或嶼。篇韻貫珠集曰。嶼烏告切。與輿同。說文云。水隈岸也。又俗作塊。按五雜俎曰。海風謂之颶風。以其具四方之風。即石尤風。四面斷行旅者也。今閩人方言謂之颶風。音如貝焉。颶者簸也。

乃屯于南嶺。幕僚客將皆被執。時賞至隆興。奮罵不屈。臨刑劉沐頗自辨。時賞叱曰。死耳。何必然。於是將佐幕屬被執者皆死。而天祥妻子家屬送于燕。二子死于道。○廣州陷。○十一月元劉深以舟師襲淺灣。張世傑戰不利。奉帝舟走秀山。陳宜中之占城求兵。遂不復還。十二月帝再遷于舟。颶風作。帝有疾。元劉深復以舟師來襲。并輿執俞如珪。帝舟遷于謝女峽。○戊寅。景炎三年。元世祖五年。張世傑遣師討雷山。不克。○三月。文天祥會兵次于麗江浦。○元以張弘範為都元帥。李恒副之。帥師入閩廣。○帝舟遷于碭州。夏四月。帝崩于碭州。陸秀夫立衛王為帝。是為帝昀。

音瞻音郁

元世祖五年

補左哀元年傳少康有田一成有衆一旅能布其德而兆其謀以况夏衆

陸秀夫書大學南宋紀初世傑以碭州不可居而厓山在海中去潮廣各四百餘里兩山相對勢頗寬廣中有丁港其口如門可以藏舟世傑

帝昺端宗皇帝弟也名昺即位改元祥興皇太后楊氏同聽政先是群臣多欲散去陸秀夫曰度宗皇帝一子尚在將焉置之古人有以一旅一成中興者今百官有司皆具士卒數萬天若未欲絕宋此豈不可為國耶乃與衆共立帝年八歲矣適有黃龍見海中遂改祥興而升碭州為翔龍縣以陸秀夫為左丞相兼樞密使時播越海濱庶事踈略每時節朝會獨秀夫儼然正笏立如治朝或在行中悽然泣下以朝衣拭淚衣盡濕左右無不悲慟者及拜首相與張世傑共秉政外籌軍旅內調干役凡出其手雖忽遽流離中猶日書大學章句以勸講見音現○六月帝舟遷于新會之厓山○有大星南流墜海中音巨小星千餘隨之聲

中星千餘以為形勢之地天險可扼以自固乃奉帝移駐焉遣入厓山伐木造軍屋千間行營平殿曰慈元楊太后居之升廣州為翔龍府時官民兵尚二十餘萬多居于舟資糧取辦于廣右諸郡復刷入匠造舟楫製器仗民不能堪始有離叛之志

天祥執不腦子本草綱目以為附子異名時珍云宋文天祥賈似道皆服腦子步死不得惟瘞壘中以熱

如雷數刻乃止○天祥聞帝即位上表自劾敗于江西之罪乞入朝不許而加少保封信國公會軍中大疫士卒多死天祥子道生復亡家屬俱盡○元以許衡為集賢大學士兼領太史院事○文天祥屯潮陽鄒鳳劉子俊皆集師會之遂討盜陳懿劉興于潮興死懿遁道張弘範兵濟潮陽天祥力不支帥其麾下走海豐張弘正追之天祥方飯五坡嶺弘正兵突至衆不及戰皆頓首伏草莽天祥被執吞腦子不死鄒鳳自剄劉子俊自詭為天祥冀可免天祥及執天祥至各爭真偽遂烹子俊而執天祥見弘範左右命之拜天祥不屈弘範釋其縛以客禮見之天祥固請死弘範不許或謂弘範曰敵人之相不可測也不宜近之弘

酒服數握九竅流血而死此非腦子有毒乃熱酒引其辛香散溢經絡氣血沸亂而然爾

元人招世不

天祥以詩將

范曰彼忠義也保無他求族属被俘者悉還之處舟中以自後處上○聲華端宗于厓山○元阿里海牙自海南還師上都○己卯祥興二年元世祖至元十六年正月元張弘範兵至厓山張世傑力戰禦之弘範無如之何時世傑有甥韓在元師中弘範三使韓至宋師招世傑世傑不從曰吾知降生且富貴但義不可移耳因歷數古忠臣以荅之弘範乃命文天祥為書招世傑天祥曰吾不能扞父母乃教人叛父母可乎固命之天祥遂書所過零丁洋詩與之其末有云人生自古誰無死留取丹心照汗青弘範笑而置之弘範復遣人語厓山士民曰汝陳丞相已去文丞相已執汝欲何為士民亦無叛者弘範又以舟師據海口宋師樵汲道

世傑備禦

宋師旗

絕兵士茹乾糧十餘日而大渴乃下掬海水飲之水鹹飲即嘔泄兵士大困世傑帥蘇劉義方與等旦夕大戰元李恒自廣州以師會攻弘範命恒守厓山北面數上聲零丁洋詩上六句辛苦遭逢起一經干戈落落四周星山河破碎水漂絮身世浮沈風劫海皇恐灘邊說皇恐零丁洋裏歎零丁語去聲○二月戊寅朔世傑將陳寶叛降于元己卯都統張達夜襲元師敗還元人進薄世傑之舟甲申弘範四分其軍自將一軍相去里許令諸將曰宋舟西艤厓山潮至必東遁急攻之勿令得去聞吾樂作乃戰違令者斬先麾北首一軍乘早潮而戰世傑敗之李恒等順潮退師午潮上元師樂作宋師以為且懈不設備弘範以舟師犯其前南師繼之宋師南北受敵兵士皆疲不能復戰俄有一舟檣旗

陸秀夫抱帝屍海崩

仆諸舟之檣旗皆仆世傑知事去乃抽精兵入中軍諸軍大潰元師薄宋中軍會日暮風雨昏霧四塞咫尺不辨世傑乃與蘓劉義斷維以十六舟奪港而去陸秀夫走帝舟帝舟大且諸舟環結度不得出先驅其妻子入海即負帝同溺焉帝崩後宮諸臣役死者甚衆越七日屍浮海上者十餘萬人因得帝屍及詔書之寶已而世傑復還厓山狄兵遇揚太后欲奉以求趙氏後而復立之揚太后始聞帝崩撫膺大慟曰我忍死艱關至此者正為趙氏一塊肉耳今無望矣遂赴海死世傑葬之海濱世傑將趨安南至平章山下遇颶風大作舟人欲艤岸世傑曰無以為也焚香仰天呼曰我為趙氏亦已至矣一君亡復立一君今

楊皇后溺海崩

宋亡


天祥不屈八日不食猶生

又亡我未死者庶幾敵兵退別立趙氏以存祀耳今若此豈天意耶若天不欲我復存趙祀則大風覆吾舟舟遂覆世傑溺焉宋亡為趙之為並去聲○厓山既破元張弘範等置酒大會謂文天祥曰國亡丞相忠孝盡矣能改心以事宋者事今不失為宰相也天祥泫然出涕曰國亡不能救為人臣者死有餘罪况敢逃其死而貳其心乎弘範義之遣送于燕京道經吉州痛恨不食八日猶生乃復食十月天祥至燕不屈繫獄勵操愈堅○宋之故臣亦有由嶺海走安南者安南自其國王李乾德卒於紹興子陽煥立陽煥卒于天祚立天祚卒於淳熙子龍翰立龍翰卒於嘉定子吳昂立世奉宋正朔當龍翰時有閩人陳京入其國得政為

國塔京子承再世執其國柄及吳島時承奪其國傳子威
 晁理宗受其貢而封之威晁傳子日照宋亡乃改名日烜
 奉貢于元初邵雍與客語及國祚取晉出帝紀示之靖康
 驗矣至德祐益驗陳搏亦嘗有一汴二枕三閩四廣之說
 宋果至閩廣而盡自太祖建隆至欽宗清康一百六十七
 年自高宗建炎至祥興又一百五十二年〔支〕音奏〔紹興〕高宗年號〔淳熙〕孝宗年號〔淳熙〕孝宗年號〔淳熙〕孝宗年號
 宗年號〔翰〕舊本作朝非嘉定寧宗年號〔崑〕丑感切〔邵雍〕康節先生出帝五代晉出帝為契丹所執〔靖康〕徽宗被執之年〔德祐〕少帝被執之年〔陳搏〕希夷先生自太祖云云自太祖至欽宗九世自高宗至帝昺九九世
 右宋自太祖建隆元年庚申至帝昺祥興己卯九三百二十年而亡

新刊校正立齋先生標題註解十八史畧卷之七畢


再刻補正十八史略跋



吾龍溪巖殿垣先生校訂十八史略且補益舊註而再版之其意專在訓童蒙以為史學階梯也譬諸行旅其猶省路程記略知山川道里郵驛之梗槩而後上

路也與。覽者若以是為捷徑而
廢讀史。殊失諸心。鵠温公作通
鑑。又作目錄。先生於茲書。蓋
亦以之云。

天明改元夏五平安藤原正臣謹誌



明治八年十一月十四日版權免許
同十六年五月十三日出版
同十八年十二月廿八日再版御届
同十九年一月廿日刻成發兌

定價壹圓七拾五錢

故人

再校者 岩垣東園

京都府下平民

出版人 川端藤兵衛

下京區第四組三條通高倉東
掛屋町十八番戶



京都府下平民


出版人 出雲寺文次郎

下京區第四組三條通高倉東
掛屋町四番戶

京都府下平民

出版人 藤井孫兵衛

上京區第卅組御幸町通姉小路
大文字町八番戶



特56
8

| | | | | |
|-----------|---|---|---|-----|
| 東 京 圖 書 館 | | | | |
| | | | | 和書門 |
| 冊 | 號 | 架 | 函 | 類 |

源記
十八史畧
七